

ओं नमः परमात्मने, श्री महागणपतये नमः,
श्री गुरुभ्यो नमः, ह॒रिः ओं

कृष्ण यजुर्वेदीय तैत्तिरीय संहिता पद पाठः
(वाक्य सहित)

षष्ठकाण्डे द्वितीयः प्रश्नः

Notes:

1. Please refer to the book “TS Kandam 1” and “TS 1.1 pada paadam with Vaakyam” for notes and conventions used in this Compilation.
2. Please download our vedic compilations from our web site www.vedavms.in

Version Notes:

This is now the current Version 1.0 dated June 30, 2021.

1. This replaces the earlier version 0.0 dated October 31, 2019.
2. This version has been updated with the errors found and reported till June 15, 2021.
3. Required convention, style and presentation improvements or standardisations has been done wherever applicable.
4. Notify your corrections / suggestions etc to our email id vedavms@gmail.com

Earlier Versions

| | | |
|-----|----------------|------------------------------|
| 1st | Version Number | 0.0 dated 30thSeptember 2018 |
| 2nd | Version Number | 0.0 dated 31st January 2019 |
| 3rd | Version Number | 0.0 dated 31st Oct 2019 |

Contents

| | |
|---|---|
| 6 कृष्ण यजुर्वेदीय तैत्तिरीय संहितायां पद पाठे षष्ठं काण्डं | 4 |
| 6.2 षष्ठकाण्डे द्वितीयः प्रश्नः—सोममन्त्रब्राह्मणनिरूपणं..... | 4 |

ओं नमः परमात्मने, श्री महागणपतये नमः,

श्री गुरुभ्यो नमः, हरिः ओं

6 कृष्ण यजुर्वेदीय तैत्तिरीय संहितायां पद पाठे षष्ठं काण्डं

6.2 षष्ठकाण्डे द्वितीयः प्रश्नः-सोममन्त्रब्राह्मणनिरूपणं

TS 6.2.1.1

यदु॒भौ वि॒मु॒च्याऽऽति॒थ्यं गृ॒ह्णी॒याद्-य॒ज्ञं वि॒ च्छि॒न्धाद्-यदु॒भाववि॒मु॒च्य
यथा॒ ऽना॒गता॒याऽऽति॒थ्यं क्रि॒यते तादृ॒गेव॒ तद्-वि॒मु॒क्तो-
ऽन्यो॒ऽन॒ड्वान् भव॒त्यवि॒मु॒क्तो ऽन्यो॒ ऽथाऽऽति॒थ्यं गृ॒ह्णाति॒ यज्ञ॒स्य सन्त॒त्यै
पत्न्य॒न्वार॒भते॒ पत्नी॒ हि पा॒रीण॒ह्यस्ये॒शे पत्न्यै॒वानु॒मतं॒ निर्व॒पति॒ यद्-वै
पत्नी॒ यज्ञ॒स्य करो॒ति मि॒थुनं॒ तदथो॒ पत्न्या॒ ए॒वै- [] 1

TS 6.2.1.1 - Padam

यत् । उ॒भौ । वि॒मु॒च्येति॒ वि-मु॒च्य । आ॒ति॒थ्यम् । गृ॒ह्णी॒यात् । य॒ज्ञम् ।
वी॒ति । छि॒न्धात् । यत् । उ॒भौ । अ॒वि॒मु॒च्येत्य॒वि - मु॒च्य । यथा॑ ।
अ॒ना॒गता॒येत्य॒ना-ग॒ताय॑ । आ॒ति॒थ्यम् । क्रि॒यते॑ । तादृ॒क् । ए॒व । तत् ।
वि॒मु॒क्त इति॒ वि - मु॒क्तः । अ॒न्यः । अ॒न॒ड्वान् । भव॒ति ।

अविमुक्त॑ इत्यवि॑ – मुक्तः॑ । अन्यः॑ । अथ॑ । आतिथ्यम्॑ । गृह्णाति॑ ।
यज्ञस्य॑ । सन्तत्या॑ इति॑ सं – तत्यै॑ । पत्नी॑ । अन्वार॑भत
इत्यनु॑ – आर॑भते । पत्नी॑ । हि । पारी॑णह्यस्येति॑ पारि॑ – नह्यस्य॑ ।
ईशे॑ । पत्निया॑ । ए॒व । अनु॑मतमित्यनु॑ – मतम्॑ । निरि॑ति । वप॑ति ।
यत् । वै । पत्नी॑ । यज्ञस्य॑ । करो॑ति । मिथु॑नम् । तत् । अथो॑ इति॑ ।
पत्नियाः॑ । ए॒व । 1 (50)

TS 6.2.1.2

–ष यज्ञस्यान्वार॑भो ऽन॑वच्छित्यै॑ यावद्भिर्वै॑ राजा॑ ऽनुच॑रै-रागच्छ॑ति
सर्वे॑भ्यो वै तेभ्य॑ आतिथ्यं॑ क्रिय॑ते छन्दा॑ऽसि॒ खलु॑ वै सोम॑स्य
राज्ञो॑ ऽनुच॑राण्यग्ने-राति॑थ्य-मसि॑ विष्णा॑वे त्वेत्या॑ह गाय॑त्रिया
ए॒वैतेन॑ करो॑ति सोम॑स्याऽऽति॑थ्य-मसि॑ विष्णा॑वे त्वेत्या॑ह त्रि॒ष्टुभ॑ ए॒वैतेन॑
करो॑त्यतिथे-राति॑थ्य-मसि॑ विष्णा॑वे त्वेत्या॑ह जग॑त्या- [] 2

TS 6.2.1.2 - Padam

ए॒षः । यज्ञस्य॑ । अन्वार॑म्भ इत्यनु॑ – आर॑म्भः । अन॑वच्छित्या
इत्यन॑व – छित्यै॑ । यावद्भि॑रिति॑ यावत् – भिः॑ । वै । राजा॑ ।

अनु॒च॒रैरि॒त्यनु॑ – च॒रैः । आ॒ग॒च्छ॒तीत्या॑ – ग॒च्छ॒ति । सर्वे॑भ्यः । वै ।
 तेभ्यः । आ॒ति॒थ्यम् । क्रि॒य॒ते । छ॒न्दा॒सि । ख॒लु । वै । सोम॑स्य ।
 रा॒ज्ञः । अनु॒च॒राणी॒त्यनु॑ – च॒राणि॑ । अ॒ग्नेः । आ॒ति॒थ्यम् । अ॒सि ।
 वि॒ष्ण॒वे । त्वा । इति॑ । आ॒ह । गा॒य॒त्रि॒यै । ए॒व । ए॒तेन॑ । क॒रोति॑ ।
 सोम॑स्य । आ॒ति॒थ्यम् । अ॒सि । वि॒ष्ण॒वे । त्वा । इति॑ । आ॒ह ।
 त्रि॒ष्टु॒भै । ए॒व । ए॒तेन॑ । क॒रोति॑ । अ॒ति॒थेः । आ॒ति॒थ्यम् । अ॒सि ।
 वि॒ष्ण॒वे । त्वा । इति॑ । आ॒ह । ज॒ग॒त्यै । 2 (50)

TS 6.2.1.3

ए॒वैतेन॑ क॒रोत्य॒ग्नये॑ त्वा रा॒य॒स्पोष॑दाव॒न्ने वि॒ष्ण॒वे त्वे॒त्याहा॑नु॒ष्टु॒भै
 ए॒वैतेन॑ क॒रोति॑ श्ये॒नाय॑ त्वा सोम॑भृ॒ते वि॒ष्ण॒वे त्वे॒त्याह॑ गा॒य॒त्रि॒या
 ए॒वैतेन॑ क॒रोति॑ पञ्च॑ कृ॒त्वो गृ॒ह्णा॒ति पञ्चा॑क्ष॒रा प॒ङ्क्तिः॑ पा॒ङ्क्तो य॒ज्ञो
 य॒ज्ञमे॒वाव॑ रु॒न्धे ब्र॒ह्म॒वा॒दिनो॑ वद॒न्ति क॒स्मात् स॒त्याद्-गा॒य॒त्रि॒या
 उ॒भय॑त आ॒ति॒थ्य॒स्य क्रि॒य॒त इति॑ य॒दे॒वा॒दः सोम॑मा- [] 3

TS 6.2.1.3 - Padam

ए॒व । ए॒तेन॑ । क॒रोति॑ । अ॒ग्नये॑ ॥ त्वा । रा॒यस्पोष॑दाव्.न् इति॑
रा॒यस्पोष॑ – दाव्.न्ने॑ । वि॒ष्णवे॑ । त्वा । इति॑ । आ॒ह ।
अ॒नुष्टु॒भ इत्य॑नु – स्तु॒भे ॥ ए॒व । ए॒तेन॑ । क॒रोति॑ । श्ये॒नाय॑ । त्वा ।
सो॒मभृ॑त इति॑ सोम – भृ॒ते ॥ वि॒ष्णवे॑ । त्वा । इति॑ । आ॒ह । गा॒यत्रि॒यै
। ए॒व । ए॒तेन॑ । क॒रोति॑ । प॒ञ्च । कृ॒त्वः । गृ॒ह्णाति॑ । प॒ञ्चाक्ष॑रेति॑
प॒ञ्च – अ॒क्षरा॑ । प॒ङ्क्तिः॑ । पा॒ङ्क्तः॑ । य॒ज्ञः । य॒ज्ञम् । ए॒व । अ॒वेति॑ ।
रु॒न्धे । ब्र॒ह्मवा॑दिन इति॑ ब्रह्म – वा॒दिनः॑ । व॒दन्ति॑ । कस्मा॑त् ।
स॒त्यात् । गा॒यत्रि॒यै । उ॒भय॑तः । आ॒तिथ्य॑स्य । क्रि॒यते॑ । इति॑ । यत् ।
ए॒व । अ॒दः । सो॒मम् ॥ ए॒ति । 3 (50)

TS 6.2.1.4

ऽह॒रत् तस्मा॑द्-गा॒यत्रि॒या उ॒भय॑त आ॒तिथ्य॑स्य क्रि॒यते पु॒रस्ता॑च्चो
प॒रिष्ठा॑च्च शि॒रो वा ए॒तद् य॒ज्ञस्य॑ यदा॒तिथ्यं॑ न॒वक॑पालः पु॒रोडा॑शो
भव॑ति तस्मान्न॒वधा॑ शि॒रो वि॒ष्यूतं॑ न॒वक॑पालः पु॒रोडा॑शो भव॑ति ते
त्रय॑स्त्रि॒कपा॑लास्त्रि॒वृता॑ स्तो॒मेन॑ स॒मि॒तास्ते॒ज-स्त्रि॒वृत् ते॒ज

ए॒व य॒ज्ञस्य॑ शी॒र्षन् दधा॑ति नव॒कपा॑लः पु॒रोडा॑शो भव॒ति ते
त्रय॑-स्त्रि॒कपा॑लास्त्रि॒वृता॑ प्रा॒णेन॑ स॒मि॒तास्त्रि॒वृद् वै- [] 4

TS 6.2.1.4 - Padam

अ॒हर॑त् । तस्मा॑त् । गा॒य॒त्रि॒यै । उ॒भय॑तः । आ॒ति॒थ्य॑स्य । क्रि॒य॒ते ।
पु॒रस्ता॑त् । च । उ॒परि॑ष्ठात् । च । शि॒रः । वै । ए॒तत् । य॒ज्ञस्य॑ । यत् ।
आ॒ति॒थ्य॑म् । नव॒कपा॑ल इति॑ नव - क॒पा॒लः । पु॒रोडा॑शः । भव॒ति ।
तस्मा॑त् । न॒व॒धेति॑ नव - धा । शि॒रः । वि॒ष्यू॒तमि॑ति वि - स्यू॒तम् ।
नव॒कपा॑ल इति॑ नव - क॒पा॒लः । पु॒रोडा॑शः । भव॒ति । ते । त्रयः॑ ।
त्रि॒कपा॑ला इति॑ त्रि - क॒पा॒लाः । त्रि॒वृते॑ति त्रि - वृ॒ता । स्तो॒मेन॑ ।
स॒मि॒ता इति॑ सं - मि॒ताः । तेजः॑ । त्रि॒वृदि॑ति त्रि - वृ॒त् । तेजः॑ ।
ए॒व । य॒ज्ञस्य॑ । शी॒र्षन् । दधा॑ति । नव॒कपा॑ल इति॑ नव-क॒पा॒लः ।
पु॒रोडा॑शः । भव॒ति । ते । त्रयः॑ । त्रि॒कपा॑ला इति॑ त्रि - क॒पा॒लाः ।
त्रि॒वृते॑ति त्रि-वृ॒ता । प्रा॒णेने॑ति प्र-अ॒नेन॑ । स॒मि॒ता इति॑ सं-मि॒ताः ।
त्रि॒वृदि॑ति त्रि - वृ॒त् । वै । 4 (50)

TS 6.2.1.5

प्राण-स्त्रिवृतमेव प्राणमभिपूर्वं यज्ञस्य शीर्षन् दधाति
प्रजापतेर्वा एतानि पक्ष्माणि यदश्ववाला ऐक्षवी तिरश्ची यदाश्ववालः
प्रस्तरो भवत्यैक्षवी तिरश्ची प्रजापतेरेव तच्चक्षुः सं भरति देवा वै या
आहुतीरजुहवुस्ता असुरा निष्काव-मादन् ते देवाः कार्ष्ण्य-मपश्यन्
कर्मण्यो वै कर्मैनेन कुर्वीतेति ते कार्ष्ण्यमयान् परिधीन- [] 5

TS 6.2.1.5 - Padam

प्राण इति प्र -अनः । त्रिवृतमिति त्रि - वृतम् । एव । प्राणमिति
प्र -अनम् । अभिपूर्वमित्यभि - पूर्वम् । यज्ञस्य । शीर्षन् ।
दधाति । प्रजापतेरिति प्रजा - पतेः । वै । एतानि । पक्ष्माणि । यत् ।
अश्ववाला इत्यश्व - वालाः । ऐक्षवी इति । तिरश्ची इति । यत् ।
आश्ववाल इत्याश्व - वालः । प्रस्तर इति प्र - स्तरः । भवति ।
ऐक्षवी इति । तिरश्ची इति । प्रजापतेरिति प्रजा -पतेः । एव । तत् ।
चक्षुः । समिति । भरति । देवाः । वै । याः । आहुतीरित्या - हुतीः ।
अजुहवुः । ताः । असुराः । निष्कावम् । आदन् । ते । देवाः ।

कार्ष्ण॑र्यम् । अप॒श्यन् । कर्म॑ण्यः । वै । कर्म॑ । ए॒नेन॑ । कु॒र्वीत॑ ।
इति॑ । ते । कार्ष्ण॑र्यमया॒निति॑ कार्ष्ण॑र्य – मया॑न् ।

परि॑धीनिति॑ परि – धीन् । 5 (50)

TS 6.2.1.6

–कुर्व॑त तैर्वै॑ ते रक्षा॑स्यपा॒घ्नत॑ यत् कार्ष्ण॑र्यमयाः॑ परि॒धयो॑ भव॑न्ति
रक्षा॑सामप॒हत्यै॑ स॒ स्पर्श॑यति॒ रक्षा॑सामन॒न्वव॑चाराय॒ न पु॒रस्ता॑त्
परि॑ दधा॒त्यादि॒त्यो ह्ये॒वोद्यन्॑ पु॒रस्ता॑द्–रक्षा॑स्यप॒हन्त्यूर्ध्वे॑ समि॒धावा
दधा॑त्युपरि॒ष्ठादे॒व रक्षा॑स्यप॒ हन्ति॑ यजु॒षा ऽन्यां॑ तूष्णी॒मन्यां॑ मिथु॒नत्वाय॑
द्वे आ॑ दधाति॒ द्विपा॑द्–यज॒मानः॑ प्रति॒ष्ठित्यै॑ ब्रह्म॒वादि॒नो वद॑न्त्य– [] 6

TS 6.2.1.6 - Padam

अकुर्व॑त । तैः । वै । ते । रक्षा॑सि । अपेति॑ । अघ्न॑त । यत् ।
कार्ष्ण॑र्यमया॒ इति॑ कार्ष्ण॑र्य – मयाः॑ । परि॒धय॑ इति॑ परि – धयः॑ ।
भव॑न्ति । रक्षा॑साम् । अप॒हत्या॑ इत्यप॒ – हत्यै॑ । समि॒ति ।
स्पर्श॑यति । रक्षा॑साम् । अन॒न्वव॑चारायेत्यननु॒ – अव॑चाराय । न ।
पु॒रस्ता॑त् । परी॑ति । दधा॑ति । आ॒दित्यः॑ । हि । ए॒व ।

उ॒द्यन्ति॑त्युत्- यन् । पु॒रस्ता॑त् । रक्षा॑सि । अ॒पह॑न्तीत्यप - हन्ति ।
ऊ॒र्ध्वे इति॑ । स॒मिधा॑विति सं - इ॒धौ । एति॑ । द॒धाति॑ । उ॒परि॑ष्ठात् ।
ए॒व । रक्षा॑सि । अ॒पेति॑ । ह॒न्ति । यजु॑षा । अ॒न्याम् । तू॒ष्णीम् ।
अ॒न्याम् । मि॒थुन॑त्वायेति मिथुन - त्वाय । द्वे इति॑ । एति॑ । द॒धाति॑ ।
द्वि॒पादि॑ति द्वि - पात् । यज॑मानः । प्र॒तिष्ठि॑त्या इति॑ प्र॒ति - स्थि॑त्यै ।
ब्र॒ह्मवा॑दिन इति॑ ब्रह्म - वा॒दिनः॑ । व॒दन्ति॑ । 6 (50)

TS 6.2.1.7

-ग्निश्च॑ वा ए॒तौ सोम॑श्च क॒था सोमा॑याऽऽति॒थ्यं क्रि॒यते॑ ना॒ग्नय॑ इति॑
यद॒ग्नाव॑ग्निं म॒थित्वा॑ प्र॒हरति॑ तेनै॒वाग्नय॑ आति॒थ्यं क्रि॒यते॑
ऽथो॒ खल्वा॑हुर॒ग्निः सर्वा॑ दे॒वता॑ इति॑ य॒द्धवि॑रासाद्या॒ग्निं मन्थ॑ति
ह॒व्यायै॑वाऽऽ*स॒न्नाय॑ सर्वा॑ दे॒वता॑ जनयति ॥ 7

TS 6.2.1.7 - Padam

अ॒ग्निः । च । वै । ए॒तौ । सोमः॑ । च । क॒था । सोमा॑य । आ॒ति॒थ्यम् ।
क्रि॒यते॑ । न । अ॒ग्नये॑ । इति॑ । यत् । अ॒ग्नौ । अ॒ग्निम् । म॒थित्वा ।
प्र॒हर॑तीति॑ प्र - हरति । तेन । ए॒व । अ॒ग्नये॑ । आ॒ति॒थ्यम् । क्रि॒यते॑ ।

अथो॑ इति॑ । खलु॑ । आ॒हुः । अ॒ग्निः । सर्वाः॑ । दे॒वताः॑ । इति॑ । यत् ।
ह॒विः । आ॒साद्ये॒त्या – साद्य॑ । अ॒ग्निम् । म॒न्थति॑ । ह॒व्याय॑ । ए॒व ।
आस॑न्नायेत्या – स॒न्नाय॑ । सर्वाः॑ । दे॒वताः॑ । ज॒नय॑ति ॥ 7 (41)
(प॒न्या ए॒व – ज॒गत्या॑ – आ – त्रि॒वृद्धै॑ – प॒रिधीन् – व॒दन्त्ये॑ –
क॒चत्वारि॑ञ्च) (A1)

TS 6.2.2.1

दे॒वा॒सुराः॑ सँय॑त्ता आस॑न् ते दे॒वा मि॒थो वि॒प्रिया॑ आस॑न्
तेऽ(1)न्योऽन्य॑स्मै ज्यैष्या॑यातिष्ठ॑मानाः पञ्च॑धा व्य॑क्राम॑न् न॒ग्निर्वसु॑भिः
सोमो॑ रु॒द्रैरिन्द्रो॑ मरु॒द्भिर्वरु॑ण आ॒दित्यै॑-बृ॒हस्प॑ति-वि॒श्वैर्दे॒वैस्ते
ऽम॒न्यन्ता॑सुरे॒भ्यो वा इ॒दं भ्रातृ॑व्ये॒भ्यो र॒द्ध्यामो॑ यन्मि॒थो वि॒प्रियाः
स्मो या न इ॒माः प्रि॒यास्त॒नुव॑स्ताः स॒मव॑द्याम॒है ताभ्यः॑ स
निर्. ऋ॒च्छाद् यो- [] 8

TS 6.2.2.1 - Padam

दे॒वा॒सुरा॑ इति॑ दे॒व – अ॒सुराः॑ । सँय॑त्ता इति॑ सं-य॒त्ताः । आ॒सन् ।
ते । दे॒वाः । मि॒थः । वि॒प्रिया॑ इति॑ वि – प्रि॒याः । आ॒सन् । ते ।

अ॒न्यः । अ॒न्यस्मै॑ ॥ ज्यै॑ष्ठ्या॒य । अति॑ष्ठ॒मानाः । पञ्च॑धेति॒ पञ्च॑-धा ।
 वी॒ति । अ॒क्राम॑न् । अ॒ग्निः । वसु॑भिरिति॒ वसु॑ - भिः । सोमः॑ ।
 रु॒द्रैः । इन्द्रः॑ । मरु॑द्भिरिति॒ मरुत् - भिः । वरु॑णः । आ॒दि॒त्यैः ।
 बृ॒हस्प॑तिः । विश्वैः॑ । दे॒वैः । ते । अ॒मन्य॑न्त । अ॒सुरे॑भ्यः । वै । इ॒दम् ।
 भ्रातृ॑व्येभ्यः । र॒द्ध्यामः॑ । यत् । मि॒थः । विप्रि॑या इति॒ वि - प्रि॒याः ।
 स्मः । याः । नः । इ॒माः । प्रि॒याः । त॒नुवः॑ । ताः । स॒मव॑द्यामहा इति॒
 सं - अ॒वद्या॑महै । ता॒भ्यः । सः । निरि॑ति । ऋ॒च्छात् । यः । 8 (50)

TS 6.2.2.2

नः प्रथ॑मो(१)ऽन्यो॑ऽन्यस्मै॑ द्रु॒ह्यादि॑ति॒ तस्मा॑द्-यः स॒तानू॑न॒प्त्रिणां॑
 प्रथ॑मो द्रु॒ह्याति॑ स आ॒र्तिमा॑च्छति॒ यत् तानू॑न॒प्त्रञ् सम॑व॒द्यति॑
 भ्रातृ॑व्याभिभू॒त्यै भव॑त्या॒त्मना॑ परा॒ ऽस्य॑ भ्रातृ॑व्यो भवति॒ पञ्च॑
 कृ॒त्वो ऽव॑ द्यति॒ पञ्च॑धा हि ते तथ् स॒मवा॑द्यन्ताथो पञ्चा॑क्षरा प॒ङ्क्तिः॑
 पाङ्क्तो॑ य॒ज्ञो य॒ज्ञमे॒वाव रु॑न्ध आप॑तये त्वा गृ॒ह्णामी॑त्याह
 प्रा॒णो वा- [] 9

TS 6.2.2.2 - Padam

नः । प्रथमः । अन्यः । अन्यस्मै ॥ दुह्यात् । इति । तस्मात् । यः ।
सतानूनप्त्रिणामिति स – तानूनप्त्रिणाम् । प्रथमः । दुह्यति । सः ।
आर्तिम् । एति । ऋच्छति । यत् । तानूनप्त्रमिति तानू – नप्त्रम् ।
समवद्यतीति सं-अवद्यति । भ्रातृव्याभिभूत्या इति भ्रातृव्य-अभिभूत्यै ।
भवति । आत्मना ॥ परेति । अस्य । भ्रातृव्यः । भवति । पञ्च ।
कृत्वः । अवेति । द्यति । पञ्चधेति पञ्च – धा । हि । ते । तत् ।
समवाद्यन्तेति सं – अवाद्यन्त । अथो इति । पञ्चाक्षरेति
पञ्च – अक्षरा । पङ्क्तिः । पाङ्क्तः । यज्ञः । यज्ञम् । एव । अवेति ।
रुन्धे । आपतय इत्या – पतये । त्वा । गृह्णामि । इति । आह ।
प्राण इति प्र – अनः । वै । 9 (50)

TS 6.2.2.3

आपतिः प्राणमेव प्रीणाति परिपतय इत्याह मनो वै परिपतिर्मन
एव प्रीणाति तनूनप्त्र इत्याह तनुवो हि ते ताः समवाद्यन्त
शाक्वरायेत्याह शक्त्यै हि ते ताः समवाद्यन्त शक्म-

ॐ॒जि॒ष्ठा॒ये॒त्या॒हौ॒जि॒ष्ठ॒ꣳ हि ते तदा॒त्मनः॑ स॒म॒वा॒द्यन्ता॑-ना॒धृ॒ष्ट॒म॒स्य॒ना॒धृ॒ष्य-
मि॒त्या॒हा॒ना॒धृ॒ष्ट॒ꣳ ह्येत॑द॒ना॒धृ॒ष्यं दे॒वाना॑मो॒ज- [] 10

TS 6.2.2.3 - Padam

आ॒प॒ति॒रि॒त्या - प॒तिः । प्रा॒ण॒मि॒ति प्र - अ॒नम् । ए॒व । प्री॒णा॒ति ।
परि॑प॒तय॒ इति॑ परि - प॒तये॒ । इति॑ । आ॒ह । म॒नः । वै ।
परि॑प॒ति॒रिति॑ परि - प॒तिः । म॒नः । ए॒व । प्री॒णा॒ति । त॒नू॒न॒प्त्र इति॑
त॒नू - न॒प्त्रे॑ । इति॑ । आ॒ह । त॒नु॒वः । हि । ते । ताः । स॒म॒वा॒द्यन्ते॑ति
सं- अ॒वा॒द्यन्त॑ । शा॒क्व॒रा॒य । इति॑ । आ॒ह । श॒क्त्यै॑ । हि । ते । ताः ।
स॒म॒वा॒द्यन्ते॑ति सं-अ॒वा॒द्यन्त॑ । श॒क्म॒न् । ओ॒जि॒ष्ठा॒य । इति॑ । आ॒ह ।
ओ॒जि॒ष्ठम् । हि । ते । तत् । आ॒त्म॒नः । स॒म॒वा॒द्यन्ते॑ति सं-अ॒वा॒द्यन्त॑ ।
अ॒ना॒धृ॒ष्ट॒मि॒त्यना॑ - धृ॒ष्टम् । अ॒सि । अ॒ना॒धृ॒ष्य॒मि॒त्यना॑ - धृ॒ष्यम् ।
इति॑ । आ॒ह । अ॒ना॒धृ॒ष्ट॒मि॒त्यना॑ - धृ॒ष्टम् । हि । ए॒तत् ।
अ॒ना॒धृ॒ष्य॒मि॒त्यना॑ - धृ॒ष्यम् । दे॒वाना॑म् । ओ॒जः । 10 (50)

TS 6.2.2.4

इ॒त्याह॑ दे॒वाना॑ ७ ह्ये॒तदो॑जो ऽभि॒शस्ति॑पा अ॒नभि॑शस्तेन्य-मि॒त्याहा-
भि॒शस्ति॑पा ह्ये॒तद॑-नभि॒शस्तेन्य॑-मनु॒ मे दी॒क्षां दी॒क्षाप॑ति-
म॒न्यता॑मि॒त्याह॑ यथा॒यजु॑रे॒वैतद्-घृ॑तं वै दे॒वा वज्रं॑ कृ॒त्वा सोम॑-म॒घ्न-
न्न॒न्तिक॑-मि॒व खलु॑ वा अ॒स्यैत॑च्चरन्ति॒ यत् तानू॑न॒प्त्रेण॑
प्र॒चर॑न्त्य ७ शु॒र ७ शु॒-स्ते दे॒व सोमा॑ ऽऽ प्या॒यता॑मि॒त्याह॑ य- [] 11

TS 6.2.2.4 - Padam

इति॑ । आ॒ह । दे॒वाना॑म् । हि । ए॒तत् । ओजः॑ । अ॒भि॒शस्ति॑पा
इत्य॑भि॒शस्ति॑-पाः । अ॒नभि॑शस्तेन्यमि॒त्यन॑भि - शस्तेन्यम् । इति॑ ।
आ॒ह । अ॒भि॒शस्ति॑पा इत्य॑भि॒शस्ति॑ - पाः । हि । ए॒तत् ।
अ॒नभि॑शस्तेन्यमि॒त्यन॑भि - शस्तेन्यम् । अ॒न्विति॑ । मे । दी॒क्षाम् ।
दी॒क्षाप॑तिरिति॑ दी॒क्षा - प॒तिः । म॒न्यता॑म् । इति॑ । आ॒ह ।
यथा॒यजु॑रिति॑ यथा - य॒जुः । ए॒व । ए॒तत् । घृ॒तम् । वै । दे॒वाः ।
वज्र॑म् । कृ॒त्वा । सोम॑म् । अ॒घ्नन् । अ॒न्तिक॑म् । इ॒व । खलु॑ । वै ।
अ॒स्य । ए॒तत् । च॒रन्ति॑ । यत् । तानू॑न॒प्त्रेणेति॑ तानू - न॒प्त्रेण॑ ।

प्र॒चर॑न्तीति॒ प्र – च॑रन्ति । अ॒॒शु॒र॒शु॒रित्य॑शुः-अ॒॒शुः । ते ।
दे॒व । सो॒म । ए॒ति । प्या॒यता॑म् । इति॑ । आ॒ह । यत् । 11 (50)

TS 6.2.2.5

-दे॒वास्या॑पु॒वाय॑ते॒ यन्मी॑यते-तदे॒वा॒स्यै॒तेना॑ऽऽ प्या॒यय॑त्या
तु॒भ्यमि॑न्द्रः प्या॒यता॑मा त्वमि॒न्द्राय॑ प्या॒यस्वे॒त्या-हो॒भावे॒वेन्द्रं॑ च
सो॒मं चा॑ऽऽ*प्या॒यय॑त्या प्या॒यय॑ स॒खीन्त् स॒न्या मे॒धये॒त्याह॑र्त्वि॒जो
वा अ॒स्य स॒खाय॑स्ताने॒वाऽऽ प्या॒यय॑ति स्व॒स्ति ते॑ दे॒व सो॒म
सु॒त्याम॑शी॒ये- [] 12

TS 6.2.2.5 - Padam

ए॒व । अ॒स्य । अ॒पु॒वाय॑ते॒ । यत् । मी॑यते । तत् । ए॒व । अ॒स्य ।
ए॒तेन॑ । ए॒ति । प्या॒यय॑ति । ए॒ति । तु॒भ्यम् । इ॒न्द्रः । प्या॒यता॑म् ।
ए॒ति । त्वम् । इ॒न्द्राय॑ । प्या॒यस्व । इति॑ । आ॒ह । उ॒भौ । ए॒व ।
इ॒न्द्रम् । च । सो॒मम् । च । ए॒ति । प्या॒यय॑ति । ए॒ति । प्या॒यय॑ ।
स॒खीन् । स॒न्या । मे॒धया॑ । इति॑ । आ॒ह । ऋ॒त्वि॒जः । वै । अ॒स्य ।

सखायः । तान् । ए॒व । ए॒ति । प्या॒य॒य॒ति । स्व॒स्ति । ते । दे॒व ।

सो॒म । सु॒त्याम् । अ॒शी॒य । 12 (50)

TS 6.2.2.6

–त्याहाऽऽशिषमेवैतामा शास्ते प्र वा ए॒ते ऽस्मा–ल्लो॒काच्च्य॑वन्ते ये
सोम॑मा–प्या॒य॒य॒न्त्य–न्तरि॑क्षदे॒वत्यो॑ हि सोम॑ आप्या॒यित॑ ए॒ष्टा रा॒यः
प्रेषे॑ भगा॒येत्या॒ह द्या॒वापृ॑थि॒वीभ्या॑मे॒व नम॑स्कृ॒त्यास्मिन् लो॒के
प्रति॑ तिष्ठन्ति दे॒वासुराः॑ सँय॑त्ता आसन् ते दे॒वा बिभ्य॑तोऽग्निं प्रावि॑शन्
तस्मा॑दाहु॒रग्निः॑ सर्वा॑ दे॒वता॒ इति॑ ते– [] 13

TS 6.2.2.6 - Padam

इति॑ । आ॒ह । आ॒शिष॑मि॒त्या–शिष॑म् । ए॒व । ए॒ताम् । ए॒ति । शा॒स्ते ।
प्रेति॑ । वै । ए॒ते । अ॒स्मात् । लो॒कात् । च्य॑वन्ते । ये । सोम॑म् ।
आ॒प्या॒य॒य॒न्तीत्या॑–प्या॒य॒य॒न्ति । अ॒न्तरि॑क्षदे॒वत्य॑ इत्य॒न्तरि॑क्ष–दे॒वत्यः॑ ।
हि । सोमः॑ । आ॒प्या॒यित॑ इत्या – प्या॒यितः॑ । ए॒ष्टः । रा॒यः । प्रेति॑ ।
इषे॑ । भगा॒य । इति॑ । आ॒ह । द्या॒वापृ॑थि॒वीभ्या॑मिति
द्या॒वा – पृ॒थि॒वीभ्या॑म् । ए॒व । नम॑स्कृ॒त्येति॑ नमः – कृ॒त्य ।

अ॒स्मिन् । लो॒के । प्र॒तीति॑ । ति॒ष्ठन्ति॑ । दे॒वा॒सु॒रा इति॑ दे॒व-अ॒सु॒राः ।
सँय॑त्ता इति॑ सं – य॒त्ताः । आ॒सन् । ते । दे॒वाः । बि॒भ्यतः॑ ।
अ॒ग्निम् । प्रेति॑ । अ॒वि॒शन् । तस्मा॑त् । आ॒हुः ।
अ॒ग्निः । सर्वाः॑ । दे॒वताः॑ । इति॑ । ते । 13 (50)

TS 6.2.2.7

ऽग्नि॑मे॒व व॒रूथं॑ कृ॒त्वा ऽसु॒रा॒भ्य॑भ॒व-न्न॒ग्निमि॑व॒ खलु॑ वा ए॒ष
प्र वि॑शति॒ यो ऽवा॑न्त॒रदी॒क्षा-मु॒पैति॑ भ्रातृ॒व्याभि॑भू॒त्यै भ॑व॒त्यात्म॑ना
परा॑ ऽस्य॒ भ्रातृ॑व्यो भ॑व॒त्यात्मान॑मे॒व दी॒क्षया॑ पाति॒ प्र॒जाम॑वा॒न्त॒रदी॒क्षया॑
सन्त॑रां मे॒खला॑ꣳ स॒माय॑च्छते॒ प्र॒जा ह्या॑त्म॒नोऽन्त॑र॒तरा॑ त॒प्तव्र॑तो
भव॑ति म॒दन्ती॑भिर्मार्ज॒यते॑ नि॒र्ह्यग्निः॑ शी॒तेन॑ वा॒यति॑ स॒मिद्ध्यै॑ या ते
अ॒ग्ने () रु॒द्रिया॑ त॒नूरि॑त्याह॒ स्वयै॑वैनद् दे॒वत॑या व्रत॒यति॑ स॒योनि॑त्वाय॒
शान्त्यै॑ ॥ 14

TS 6.2.2.7 - Padam

अ॒ग्निम् । ए॒व । व॒रूथम् । कृ॒त्वा । अ॒सु॒रान् । अ॒भीति॑ । अ॒भव॑न् ।
अ॒ग्निम् । इ॒व । खलु॑ । वै । ए॒षः । प्रेति॑ । वि॒शति॑ । यः ।

अ॒वा॒न्तर॑दी॒क्षामि॑त्य॒वा॒न्तर॑ – दी॒क्षाम् । उ॒पैती॑त्यु॒प – ए॒ति ।
 भ्रा॒तृ॒व्या॒भि॒भू॒त्या इति॑ भ्रा॒तृ॒व्य – अ॒भि॒भू॒त्यै । भ॒वति॑ । आ॒त्म॒ना ॥
 प॒रेति॑ । अ॒स्य । भ्रा॒तृ॒व्यः । भ॒वति॑ । आ॒त्मान॑म् । ए॒व । दी॒क्षया॑ ॥
 पा॒ति । प्र॒जा॒मिति॑ प्र – जा॒म् । अ॒वा॒न्तर॑दी॒क्षये॑त्य॒वा॒न्तर॑ – दी॒क्षया॑ ॥
 स॒न्तरा॑मिति॑ सं – त॒राम् । मे॒ख॒लाम् । स॒माय॑च्छ॒त इति॑
 सं – आ॒य॑च्छ॒ते । प्र॒जेति॑ प्र – जा । हि । आ॒त्म॒नः ।
 अ॒न्तर॑त॒रेत्य॑न्तर – त॒रा । त॒प्त॒व्र॒त इति॑ त॒प्त – व्र॒तः । भ॒वति॑ ।
 म॒द॒न्ती॑भिः । मा॒र्ज॒य॒ते । नि॒रिति॑ । हि । अ॒ग्निः । शी॒तेन॑ । वा॒यति॑ ।
 स॒मि॒द्ध्य॑ इति॑ सं-इ॒द्ध्यै । या । ते । अ॒ग्ने () । रु॒द्रि॒या । त॒नूः ।
 इति॑ । आ॒ह । स्व॒या ॥ ए॒व । ए॒नत् । दे॒व॒त॒या । व्र॒त॒य॒ति ।
 स॒यो॒नि॒त्वा॒येति॑ स॒यो॒नि – त्वा॒य । शान्॒त्यै ॥ 14 (61)

(यो – वा – ओज – आह य – द॒शी॒ये – ति ते – ऽग्न –
 ए॒का॒द॒श च) (A2)

TS 6.2.3.1

तेषाम॑सुराणां॑ तिस्रः॑ पुर॑ आस-न्नयस्म-य्यवमा॑ ऽथ रजता॑ ऽथ हरिणी॑
ता दे॒वा जेतुं॑ नाश॑क्नुवन् ता उप॑सदै॒वाजिगीषन्॑ तस्मा॑दाहु॒र्यश्चै॒वं
वेद॑ यश्च नोप॑सदा वै महा॑पुरं जय॑न्तीति त इषु॑ स-म॑स्कुर्वता-
ग्नि॑मनी॒क सोम॑ श॒ल्यं विष्णुं॑ तेज॑नं ते ऽब्रु॑वन् क
इ॒माम॑सिष्यतीति- [] 15

TS 6.2.3.1 - Padam

तेषाम्॑ । असुराणाम्॑ । तिस्रः॑ । पुरः॑ । आसन् । अयस्मयी॑ । अवमा ।
अथ । रजता । अथ । हरिणी । ताः । देवाः । जेतुम् । न ।
अशक्नुवन् । ताः । उपसदेत्युप - सदा । एव । अजिगीषन् ।
तस्मात् । आहुः । यः । च । एवम् । वेद । यः । च । न ।
उपसदेत्युप - सदा । वै । महापुरमिति महा - पुरम् । जयन्ति ।
इति । ते । इषुम् । समिति । अकुर्वत । अग्निम् । अनीकम् ।
सोमम् । शल्यम् । विष्णुम् । तेजनम् । ते । अब्रुवन् । कः ।
इमाम् । असिष्यति । इति । 15 (50)

TS 6.2.3.2

रु॒द्र इ॒त्यब्रु॑वन् रु॒द्रो वै क्रू॒रः सो॑ ऽस्य॒त्विति॑ सो॑ ऽब्रवी॒द् वरं॑ वृ॒णा
अ॒हमे॒व प॑शू॒ना-म॑धि॒पति॑रसा॒नीति॑ तस्मा॒द् रु॒द्रः प॑शू॒ना-
म॑धि॒पति॑स्ता॒ं रु॒द्रो ऽवा॑सृ॒जत् स॒ तिस्रः॑ पु॒रो भि॒त्त्वै॒भ्यो लो॒केभ्यो॑-
ऽसु॒रान् प्रा॑णु॒दत् यदु॑प॒सद॑ उप॒सद्य॑न्ते भ्रातृ॒व्यप॑राणु॒त्यै ना॒न्यामा॑हुतिं
पु॒रस्ता॑-ज्जु॒हुया॑द्-यद॒न्यामा॑हुतिं पु॒रस्ता॑ज्जु॒हुया॑- [] 16

TS 6.2.3.2 - Padam

रु॒द्रः । इति॑ । अ॒ब्रु॒वन् । रु॒द्रः । वै । क्रू॒रः । सः । अ॒स्य॒तु । इति॑ ।
सः । अ॒ब्रवी॑त् । वर॑म् । वृ॒णै । अ॒हम् । ए॒व । प॑शू॒नाम् ।
अ॑धि॒पति॑रित्य॒धि - प॒तिः । अ॒सा॒नि । इति॑ । तस्मा॑त् । रु॒द्रः ।
प॑शू॒नाम् । अ॑धि॒पति॑रित्य॒धि - प॒तिः । ता॑म् । रु॒द्रः । अ॒वेति॑ ।
अ॒सृ॒जत् । सः । तिस्रः॑ । पु॒रः । भि॒त्वा । ए॒भ्यः । लो॒केभ्यः॑ ।
अ॒सु॒रान् । प्रेति॑ । अ॒नु॒दत् । यत् । उ॒प॒सद॑ इत्यु॒प - स॒दः ।
उ॒प॒सद्य॑न्ते इत्यु॒प-सद्य॑न्ते । भ्रातृ॒व्यप॑राणु॒त्या इति॑ भ्रातृ॒व्य-प॑राणु॒त्यै ।
न । अ॒न्याम् । आ॒हुति॑मित्या - हु॒तिम् । पु॒रस्ता॑त् । जु॒हुया॑त् । यत् ।
अ॒न्याम् । आ॒हुति॑मित्या - हु॒तिम् । पु॒रस्ता॑त् । जु॒हुया॑त् । 16 (50)

TS 6.2.3.3

द॒न्यन्मुखं॑ कुर्या॒त् सु॒वेणा॑ऽऽघा॒रमा॑ घा॒रय॑ति य॒ज्ञस्य॑ प्र॒ज्ञात्यै॑
परा॑ङ॒तिक्र॑म्य जु॒होति॑ परा॒च ए॒वैभ्यो॑ लो॒केभ्यो॑ यज॒मानो॑ भ्रातृ॒व्यान्
प्र णु॑द॒ते पुन॑-र॒त्याक्र॑म्यो॒पसदं॑ जु॒होति॑ प्र॒णुद्यै॒वैभ्यो॑ लो॒केभ्यो॑
भ्रातृ॒व्याज्जि॒त्वा भ्रातृ॒व्यलो॒क-म॑भ्यारो॒हति॑ दे॒वा वै याः प्रा॒तरु॒पसद॑
उपा॑सीद-न्न॒हस्ता॑भिर॒सुरान् प्रा॑णुदन्त॒ याः सा॒यꣳ रा॒त्रियै॑ ताभि॒र्यथ॑
सा॒यंप्रा॑तरु॒पसद॑- [] 17

TS 6.2.3.3 - Padam

अ॒न्यत् । मु॒खम् । कु॒र्यात् । सु॒वेण॑ । आ॒घा॒रमि॒त्या - घा॒रम् । ए॒ति ।
घा॒रय॑ति । य॒ज्ञस्य॑ । प्र॒ज्ञा॒त्या इति॑ प्र - ज्ञा॒त्यै । परा॑ङ् ।
अ॒ति॒क्र॒म्येत्य॑ति - क्र॒म्य । जु॒होति॑ । परा॒चः । ए॒व । ए॒भ्यः ।
लो॒केभ्यः॑ । यज॒मानः॑ । भ्रातृ॒व्यान् । प्रेति॑ । नु॒द॒ते ।
पुनः॑ । अ॒त्या॒क्र॒म्येत्य॑ति - आ॒क्र॒म्य । उ॒प॒सद॑मि॒त्युप॑ - स॒दम् ।
जु॒होति॑ । प्र॒णुद्येति॑ प्र - नुद्य॑ । ए॒व । ए॒भ्यः । लो॒केभ्यः॑ ।
भ्रातृ॒व्यान् । जि॒त्वा । भ्रातृ॒व्यलो॒कमि॑ति भ्रातृ॒व्य - लो॒कम् ।

अ॒भ्या॒रो॒ह॒तीत्य॑भि – आ॒रो॒ह॒ति । दे॒वाः । वै । याः । प्रा॒तः । उप॒स॒द
इत्यु॑प – स॒दः । उ॒पा॒सी॒द॒न्नित्यु॑प – अ॒सी॒द॒न् । अ॒हः । ता॒भिः ।
अ॒सु॒रा॒न् । प्रे॒ति । अ॒नु॒द॒न्त । याः । सा॒य॒म् । रा॒त्रि॒यै । ता॒भिः । यत् ।
सा॒य॒म्प्रा॒तरि॑ति सा॒य॒म् – प्रा॒तः । उप॒स॒द इत्यु॑प – स॒दः । 17 (50)

TS 6.2.3.4

उप॒स॒द्यन्ते॑ ऽहो॒रा॒त्राभ्या॑मे॒व तद्-य॑ज॒मा॒नो भ्रा॑तृ॒व्यान् प्र णु॑द॒ते
याः प्रा॒तर्या॒ज्याः स्यु॑ स्ताः सा॒यं पु॒रो॒नु॒वा॒क्याः कुर्या॑द॒या॒त॒या॒म॒त्वा॒य
ति॒स्र उप॒स॒द उपै॑ति त्र॒य इ॒मे लो॒का इ॒मा॒ने॒व लो॒का॒न् प्री॑णा॒ति
षट्थ् सं प॒द्यन्ते॑ षड् वा ऋ॒त॒व ऋ॒तू॒ने॒व प्री॑णा॒ति द्वा॒द॒शा॒ही॒ने सो॒म
उपै॑ति द्वा॒द॒श मा॒साः सं॒व॒त्स॒रः सं॒व॒त्स॒र॒मे॒व प्री॑णा॒ति च॒तुर्विं॑श॒तिः

सं- [] 18

TS 6.2.3.4 - Padam

उप॒स॒द्यन्त॑ इत्यु॑प – स॒द्यन्ते॑ । अ॒हो॒रा॒त्राभ्या॑मि॒त्य॒हः – रा॒त्राभ्या॑म् ।
ए॒व । तत् । य॑ज॒मा॒नः । भ्रा॑तृ॒व्यान् । प्रे॒ति । नु॒द॒ते । याः । प्रा॒तः ।

या॒ज्याः॑ । स्युः॑ । ताः । सा॒यम् । पु॒रो॒नु॒वा॒क्या॑ इति॑
 पु॒रः – अ॒नु॒वा॒क्याः॑ । कु॒र्यात् । अ॒या॒त॒या॒म॒त्वा॒ये॒त्य॒या॒त॒या॒म – त्वा॒य ।
 ति॒स्रः । उ॒प॒स॒द इत्यु॑प – स॒दः । उ॒पे॒ति । ए॒ति । त्रयः॑ । इ॒मे ।
 लो॒काः । इ॒मा॒न् । ए॒व । लो॒का॒न् । प्री॒णा॒ति । षट् । स॒मि॒ति ।
 प॒द्य॒न्ते । षट् । वै । ऋ॒त॒वः । ऋ॒तू॒न् । ए॒व । प्री॒णा॒ति । द्वा॒द॒श ।
 अ॒ही॒ने॑ । सो॒मै॑ । उ॒पे॒ति । ए॒ति । द्वा॒द॒श । मा॒साः । सँ॒व॒थ्स॒र इति॑
 सं – व॒थ्स॒रः । सँ॒व॒थ्स॒रमि॒ति सं – व॒थ्स॒रम् । ए॒व । प्री॒णा॒ति ।
 च॒तुर्वि॑ञ्शतिरि॒ति च॒तुः – वि॑ञ्शतिः । स॒मि॒ति । 18 (50)

TS 6.2.3.5

प॒द्य॒न्ते च॒तुर्वि॑ञ्शति-र॒र्द्ध॒मा॒सा अ॒र्द्ध॒मा॒साने॒व प्री॒णा॒त्या॒रा॒ग्रा-
 म॒वा॒न्त॒रदी॒क्षा-मु॒पे॒याद्-यः का॒म॒ये॒ता॒स्मिन् मे॑ लो॒के ऽर्द्धु॑कः॒
 स्या॒दि॒त्ये॒क॒म॒ग्रे ऽथ॒ द्वा॒व॒थ त्री॒न॒थ च॒तुर॑ ए॒षा वा आ॒रा॒ग्रा
 ऽवा॒न्त॒रदी॒क्षा ऽस्मि॒न्ने॒वा॒स्मै लो॒के ऽर्द्धु॑कं भ॒वति॑ प॒रो॒व॒री॒यसी॑-
 म॒वा॒न्त॒रदी॒क्षा-मु॒पे॒याद्-यः का॒म॒ये॒ता॒मु॒ष्मिन् मे॑ लो॒के ऽर्द्धु॑कः॒

स्यादिति चतुरो ऽग्रे () ऽथ त्रीनथ द्वावथैकमेषा वै परोवरीयस्य-
वान्तरदीक्षा ऽमुष्मिन्नेवास्मै लोके ऽर्द्धुकं भवति ॥ 19

TS 6.2.3.5 - Padam

पद्यन्ते । चतुर्विंशतिरिति चतुः – विंशतिः । अर्द्धमासा
इत्यर्द्ध – मासाः । अर्द्धमासानित्यर्द्ध – मासान् । एव । प्रीणाति ।
आराग्रामित्यारा – अग्राम् । अवान्तरदीक्षामित्यवान्तर – दीक्षाम् ।
उपेति । इयात् । यः । कामयेत । अस्मिन् । मे । लोके ।
अर्द्धुकम् । स्यात् । इति । एकम् । अग्रे । अथ । द्वौ । अथ ।
त्रीन् । अथ । चतुरः । एषा । वै । आराग्रेत्यारा – अग्रा ।
अवान्तरदीक्षेत्यवान्तर – दीक्षा । अस्मिन् । एव । अस्मै । लोके ।
अर्द्धुकम् । भवति । परोवरीयसीमिति परः – वरीयसीम् ।
अवान्तरदीक्षामित्यवान्तर – दीक्षाम् । उपेति । इयात् । यः ।
कामयेत । अमुष्मिन् । मे । लोके । अर्द्धुकम् । स्यात् । इति ।
चतुरः । अग्रे () । अथ । त्रीन् । अथ । द्वौ । अथ । एकम् ।
एषा । वै । परोवरीयसीति परः – वरीयसि ।

अ॒वा॒न्त॒र॒दी॒क्षे॒त्य॒वा॒न्त॒र – दी॒क्षा । अ॒मु॒ष्मि॒न् । ए॒व । अ॒स्मै । लो॒के ।
 अ॒र्द्धु॒कम् । भ॒व॒ति ॥ 19 (66) (अ॒सि॒ष्य॒ती॒ति – जु॒हु॒याथ् – सा॒यं
 प्रा॒तरु॒प॒स॒द – श्रु॒र्वि॒श॒तिः सं – च॒तु॒रो॒ऽग्रे – षोड॑श च) (A3)

TS 6.2.4.1

सु॒व॒र्गं वा ए॒ते लो॒कं य॑न्ति य॒ उप॒स॒द उप॒य॒न्ति तेषां॑ य॒ उ॒न्न॒य॒ते
 ही॒य॒त ए॒व स नो॒द॒ने॒षी॒ति सू॒न्नी॒य॒मि॒व यो वै स्वार्थे॑तां य॒ताऽश्रान्तो॑
 ही॒य॒त उ॒त स नि॒ष्ट्या॒य स॒ह व॒स॒ति तस्मा॑त् स॒कृ॒दु॒न्नी॒य ना॒पर॒मु॒न्न॒ये॒त
 द॒ध्नो॒न्न॒ये॒तै॒तद्-वै प॒शूना॑ रूपं रूपेणै॒व प॒शू॒न॒व रु॒न्धे- [] 20

TS 6.2.4.1 - Padam

सु॒व॒र्ग॒मि॒ति सु॒वः – ग॒म् । वै । ए॒ते । लो॒क॒म् । य॒न्ति । ये । उ॒प॒स॒द
 इ॒त्यु॒प – स॒दः । उ॒प॒य॒न्ती॒यु॒प – य॒न्ति । तेषा॑म् । यः । उ॒न्न॒य॒त
 इ॒त्यु॒त् – न॒य॒ते । ही॒य॒ते । ए॒व । सः । न । उ॒दि॒ति । अ॒ने॒षि । इ॒ति ।
 सू॒न्नी॒य॒मि॒ति सु – उ॒न्नी॒य॒म् । इ॒व । यः । वै ।
 स्वार्थे॑तामि॒ति स्वार्थ॑-इ॒ताम् । य॒ताम् । श्रान्तः॑ । ही॒य॒ते । उ॒त । सः ।
 नि॒ष्ट्या॒य । स॒ह । व॒स॒ति । तस्मा॑त् । स॒कृ॒त् । उ॒न्नी॒ये॒त्यु॒त्-नी॒य ।

न । अप॒रम् । उ॒दि॒ति । न॒ये॒त । द॒ध्ना । उ॒दि॒ति । न॒ये॒त । ए॒तत् ।

वै । प॒शूना॑म् । रू॒पम् । रू॒पेण॑ । ए॒व । प॒शून् ।

अ॒वे॒ति । रु॒न्धे । 20 (50)

TS 6.2.4.2

य॒ज्ञो दे॒वेभ्यो॑ नि॒लाय॑त वि॒ष्णू रू॒पं कृ॒त्वा स पृ॒थि॒वीं प्रा॒वि॒शत्

तं दे॒वा ह॒स्तान्त् स॒र॒भ्यै॑च्छन् तमिन्द्र॑ उ॒पर्यु॑पर्य॒त्यक्रा॑मत्

सो ऽब्र॑वीत् को मा ऽय॒-मु॒पर्यु॑पर्य॒त्यक्र॑मी-दि॒त्यहं॑ दु॒र्गे ह॑न्तेत्यथ॒

कस्त्व॑मित्यहं॑ दु॒र्गादा॑हर्तेति॒ सो ऽब्र॑वीद् दु॒र्गे वै ह॑न्ता ऽवोच॑था

वरा॑हो ऽयं वा॑ममोषः- [] 21

TS 6.2.4.2 - Padam

य॒ज्ञः । दे॒वेभ्यः॑ । नि॒लाय॑त । वि॒ष्णुः । रू॒पम् । कृ॒त्वा । सः ।

पृ॒थि॒वीम् । प्रे॒ति । अ॒वि॒शत् । तम् । दे॒वाः । ह॒स्तान् ।

स॒र॒भ्येति॑ सं - र॒भ्य । ऐ॒च्छन् । तम् । इन्द्रः॑ ।

उ॒पर्यु॑परीत्यु॒परि॑ - उ॒परि॑ । अ॒तीति॑ । अ॒क्रा॒मत् । सः । अ॒ब्र॑वीत् ।

कः । मा । अ॒यम् । उ॒पर्यु॑परीत्यु॒परि॑ - उ॒परि॑ । अ॒तीति॑ । अ॒क्र॒मीत् ।

इति॑ । अ॒हम् । दु॒र्ग इति॑ दुः – गे । हन्ता॑ । इति॑ । अथ॑ । कः ।
त्वम् । इति॑ । अ॒हम् । दु॒र्गादिति॑ दुः – गात् । आह॑र्तेत्या – ह॒र्ता ।
इति॑ । सः । अ॒ब्रवीत् । दु॒र्ग इति॑ दुः – गे । वै । हन्ता॑ ।

अ॒वोच॑थाः । व॒राहः । अ॒यम् ।

वा॒ममो॑ष इति॑ वा॒म – मो॑षः । 21 (50)

TS 6.2.4.3

स॒प्तानां॑ गि॒रीणां॑ प॒रस्ता॑द्-वि॒त्तं वे॒द्यम॑सु॒राणां॑ बि॒भर्ति॑ तं ज॒हि
यदि॑ दु॒र्गे हन्ता॑ ऽसीति॑ स द॑र्भपु॒ञ्जील॑मु॒द्वृह्य॑ स॒प्त गि॒रीन्
भि॒त्त्वा तम॑ह॒न्थ् सो ऽब्र॑वीद् दु॒र्गाद्-वा आह॑र्ता ऽवोच॑था ए॒तमा ह॑रेति॑
तमे॑भ्यो य॒ज्ञ ए॒व य॒ज्ञमा ऽहर॑द्-यत् तद्-वि॒त्तं वे॒द्यम॑सु॒राणां॑-
मवि॑न्दन्त॒ तदे॒कं वे॒द्यै वेदि॑त्वमसु॒राणां॑- [] 22

TS 6.2.4.3 - Padam

स॒प्ताना॑म् । गि॒रीणा॑म् । प॒रस्ता॑त् । वि॒त्तम् । वे॒द्यम् । अ॒सु॒राणा॑म् ।
बि॒भर्ति॑ । तम् । ज॒हि । यदि॑ । दु॒र्ग इति॑ दुः – गे । हन्ता॑ ।
अ॒सि । इति॑ । सः । द॑र्भपु॒ञ्जील॑मिति॑ द॑र्भ – पु॒ञ्जील॑म् ।

उ॒द्वृ॒ह्येत्यु॒त् – वृ॒ह्य । स॒प्त । गि॒रीन् । भि॒त्वा । तम् । अ॒ह॒न् । सः ।

अ॒ब्र॒वीत् । दु॒र्गादि॑ति दुः – गात् । वै । आ॒ह॒र्ते॒त्या – ह॒र्ता ।

अ॒वो॒च॒थाः । ए॒तम् । ए॒ति । ह॒र । इ॒ति । तम् । ए॒भ्यः । य॒ज्ञः ।

ए॒व । य॒ज्ञम् । ए॒ति । अ॒ह॒रत् । यत् । तत् । वि॒त्तम् । वे॒द्यम् ।

अ॒सु॒रा॒णाम् । अ॒वि॒न्दन्त॑ । तत् । ए॒कम् । वे॒द्यै ।

वे॒दि॒त्वमि॑ति वे॒दि – त्वम् । अ॒सु॒रा॒णाम् । 22 (50)

TS 6.2.4.4

ँवा इ॒यम॑ग्र आ॒सीद् या॒वदा॒सी॒नः प॒राप॑श्य॒ति ता॒वद् दे॒वानां॑ ते दे॒वा
अ॒ब्रु॒वन्न॑स्त्वे॒व नो ऽस्या॑मपी॒ति किय॑द्-वो दा॒स्याम॑ इति या॒वदि॒यञ्
स॒लावृ॑की त्रिः प॒रि॒क्राम॑ति ता॒वन्नो॑ द॒त्तेति॑ स इ॒न्द्रः स॒लावृ॑की रू॒पं
कृ॒त्वेमां॑ त्रिः स॒र्वतः॑ प॒र्य॒क्राम॑त् तदि॒माम॑वि॒न्दन्त॑ यदि॒माम॑वि॒न्दन्त॑ तद्
वे॒द्यै वे॒दि॒त्वञ्- [] 23

TS 6.2.4.4 - Padam

वै । इ॒यम् । अ॒ग्रे । आ॒सीत् । या॒वत् । आ॒सी॒नः । प॒राप॑श्य॒तीति॑
प॒रा – प॑श्यति । ता॒वत् । दे॒वाना॑म् । ते । दे॒वाः । अ॒ब्रु॒वन् । अ॒स्तु ।

ए॒व । नः । अ॒स्याम् । अ॒पीति॑ । इति॑ । किय॑त् । वः । दा॒स्याम् ।
 इति॑ । याव॑त् । इ॒यम् । स॒ला॒वृ॒की । त्रिः । प॒रि॒क्राम॑तीति॑
 प॒रि-क्राम॑ति । ताव॑त् । नः । द॒त्त । इति॑ । सः । इन्द्रः॑ । स॒ला॒वृ॒की ।
 रू॒पम् । कृ॒त्वा । इ॒माम् । त्रिः । स॒र्वतः॑ । प॒रीति॑ । अ॒क्राम॑त् ।
 तत् । इ॒माम् । अ॒विन्द॑न्त । यत् । इ॒माम् । अ॒विन्द॑न्त । तत् । वेद्यै॑ ॥
 वे॒दित्व॑मिति॑ वेदि॑ – त्वम् । 23 (50)

TS 6.2.4.5

सा वा इ॒यं स॒र्वैव वेदि॑रियति॑ श॒क्ष्यामी॑ति॒ त्वा अ॒वमा॑य॒ यज॑न्ते
 त्रिं॒शत् प॒दानि॑ प॒श्चात् ति॒रश्ची॑ भवति॑ षट्त्रिं॒शत् प्रा॒ची
 चतु॑र्विं॒शतिः॑ पु॒रस्ता॑त् ति॒रश्ची॑ द॒शद॑श सं प॒द्यन्ते॑ द॒शाक्ष॑रा
 वि॒राडन्नं॑ वि॒राड् वि॒राजै॑वान्नाद्य॒मव रु॒न्ध उ॒द्धन्ति॑ यदे॒वास्या॑ अ॒मेद्ध्यं॑
 तदप॑ ह॒न्त्युद्ध॑न्ति॒ तस्मा॑दोष॒धयः॑ प॒रा भव॑न्ति () ब॒र्हिः स्तृ॑णाति॒
 तस्मा॑दोष॒धयः॑ पु॒नरा भव॑न्त्युत्तरं॒ बर्हि॑ष उत्तर॒बर्हिः॑ स्तृ॑णाति
 प्र॒जा वै ब॒र्हिर्य॑ज॒मान॑ उत्तर॒बर्हि॑ र्यज॒मान-मे॒वा-य॑ज॒माना॒दुत्तरं॑
 करो॑ति॒ तस्मा॑द्-यज॒मानो॑ ऽयज॒माना॒दुत्तरः॑ ॥ 24

TS 6.2.4.5 - Padam

सा । वै । इ॒यम् । सर्वा॑ । ए॒व । वे॒दिः । इ॒यति॑ । श॒क्ष्या॒मि॒ । इति॑ ।
तु । वै । अ॒व॒मा॒येत्य॑व – मा॒य । य॒ज॒न्ते । त्रि॒ंशत् । प॒दानि॑ ।
प॒श्चात् । ति॒रश्ची॑ । भ॒वति॑ । षट्त्रि॑ंश॒दिति॑ षट् – त्रि॒ंशत् । प्रा॒ची॑ ।
चतु॑र्विंशतिरिति चतुः – वि॒ंशतिः॑ । पु॒रस्ता॑त् । ति॒रश्ची॑ ।
दश॑दशेति दश–दश । स॒मिति॑ । प॒द्यन्ते॑ । दशा॑क्षरेति दश–अ॒क्षरा॑ ।
वि॒राडिति॑ वि – राट् । अ॒न्नम् । वि॒राडिति॑ वि – राट् । वि॒राजेति॑
वि – राजा॑ । ए॒व । अ॒न्नाद्य॑मित्यन्न – अ॒द्यम् । अ॒वेति॑ । रु॒न्धे ।
उ॒दिति॑ । ह॒न्ति । यत् । ए॒व । अ॒स्याः । अ॒मेद्ध्य॑म् । तत् । अ॒पेति॑ ।
ह॒न्ति । उ॒दिति॑ । ह॒न्ति । तस्मा॑त् । ओष॑धयः । प॒रेति॑ । भ॒वन्ति॑ () ।
ब॒र्हिः । स्तृ॒णाति॑ । तस्मा॑त् । ओष॑धयः । पु॒नः । ए॒ति । भ॒वन्ति॑ ।
उ॒त्तर॑मित्युत् – त॒रम् । ब॒र्हिषः॑ । उ॒त्तर॑ब॒र्हिरित्यु॑त्तर – ब॒र्हिः ।
स्तृ॒णाति॑ । प्र॒जा इति॑ प्र – जाः । वै । ब॒र्हिः । य॒ज॒मानः॑ ।
उ॒त्तर॑ब॒र्हिरित्यु॑त्तर – ब॒र्हिः । य॒ज॒मानम् । ए॒व । अ॒य॒ज॒माना॑त् ।

उत्तर॑मित्युत् – तर॒म् । करो॒ति॑ । तस्मा॑त् । यज॑मानः । अयज॑मानात् ।

उत्तर॑ इत्युत् – तरः॒ ॥ 24 (75) (रुन्धे॑ – वाम॑मोषो –

वे॒दित्व॑मसुराणां॑ – वै॒दित्वं॑ – भव॑न्ति – पञ्च॑विंशतिश्च) (A4)

TS 6.2.5.1

यद्-वा॑ अनी॑शानो भार॑मादत्ते वि॒ वै स लि॑शते यद् द्वाद॑श
सा॒हस्यो॑पसदः॒ स्यु स्ति॒स्त्रो ऽही॑नस्य य॒ज्ञस्य॑ विलो॑म क्रिये॒त तिस्र॑
ए॒व सा॒हस्यो॑पसदो॒ द्वाद॑शाही॒नस्य॑ य॒ज्ञस्य॑ सवी॒र्यत्वा॑याथो सलो॑म
क्रिय॑ते व॒त्सस्यै॑कः स्तनो॑ भागी हि सोऽथै॑क॒ स्तनं॑ व्र॒तमु॑पैत्यथ
द्वा॒वथ॑ त्री॒नथ॑ च॒तुर॑ ए॒तद् वै- [] 25

TS 6.2.5.1 - Padam

यत् । वै । अनी॑शानः । भार॑म् । आ॒दत्त॑ इत्या॒ – दत्ते॑ । वी॒ति॑ । वै ।
सः । लि॒शते॑ । यत् । द्वाद॑श । सा॒हस्ये॑ति स – अ॒हस्य॑ ।
उ॒पसद॑ इत्युप – सदः॒ । स्युः॒ । ति॒स्त्रः । अ॒हीन॑स्य । य॒ज्ञस्य॑ ।
वि॒लोमे॑ति वि – लो॒म । क्रिये॒त । ति॒स्त्रः । ए॒व ।
सा॒हस्ये॑ति स – अ॒हस्य॑ । उ॒पसद॑ इत्युप – सदः॒ । द्वाद॑श ।

अ॒हीन॑स्य । य॒ज्ञस्य॑ । स॒वीर्य॑त्वायेति स॒वीर्य॑ – त्वाय॑ । अथो॒ इति॑ ।
 सलो॒मेति॑ स-लो॒म । क्रि॒यते॑ । व॒त्सस्य॑ । ए॒कः । स्तनः॑ । भा॒गी ।
 हि । सः । अथ॑ । ए॒कम् । स्तन॑म् । व्र॒तम् । उपेति॑ । ए॒ति । अथ॑ ।
 द्वौ । अथ॑ । त्रीन् । अथ॑ । च॒तुरः॑ । ए॒तत् । वै । 25 (50)

TS 6.2.5.2

क्षु॒रप॒वि नाम॑ व्र॒तं येन॑ प्र जा॒तान् भ्रातृ॑व्यान् नु॒दते॑ प्रति॑
 जनि॑ष्यमाणा॒नथो॒ कनी॑यसैव भूय॒ उपैति॑ च॒तुरो॒ ऽग्रे॑ स्तना॑न्
 व्र॒तमु॒पैत्य॑थ त्री॒नथ॑ द्वाव॒थैक॑मेतद्-वै सु॒जघ॑नं नाम॒ व्रतं॑
 तप॑स्य॒ सुव॑र्ग्यमथो॒ प्रैव॑ जा॒यते॑ प्र॒जया॑ प॒शुभि॑र्यवा॒गू
 राज॑न्यस्य व्र॒तं क्रू॒रेव॑ वै यवा॒गूः क्रू॒र इव॑- [] 26

TS 6.2.5.2 - Padam

क्षु॒रप॒वीति॑ क्षु॒र – प॒वि । नाम॑ । व्र॒तम् । येन॑ । प्रेति॑ । जा॒तान् ।
 भ्रातृ॑व्यान् । नु॒दते॑ । प्रतीति॑ । जनि॑ष्यमाणा॒न् । अथो॒ इति॑ । कनी॑यसा ।
 ए॒व । भूयः॑ । उपेति॑ । ए॒ति । च॒तुरः॑ । अ॒ग्रे । स्तना॑न् । व्र॒तम् ।
 उपेति॑ । ए॒ति । अथ॑ । त्रीन् । अथ॑ । द्वौ । अथ॑ । ए॒कम् । ए॒तत् । वै ।

सु॒ज॒घ॒न॒मि॒ति॑ सु॒ – ज॒घ॒न॒म् । ना॒म॑ । व्र॒त॒म् । त॒प॒स्य॑म् । सु॒व॒र्ग्य॑मि॒ति॑
 सु॒वः॑ – ग्य॑म् । अथो॒ इति॑ । प्रेति॑ । ए॒व । जा॒य॒ते॑ । प्र॒ज॒येति॑
 प्र – जया॑ । प॒शु॒भि॒रि॒ति॑ प॒शु – भिः॑ । य॒वा॒गूः । रा॒ज॒न्य॑स्य । व्र॒त॒म् ।
 क्रू॒रा । इ॒व । वै । य॒वा॒गूः । क्रू॒रः । इ॒व । 26 (50)

TS 6.2.5.3

रा॒ज॒न्यो॑ व॒ज्र॑स्य रू॒पं॑ स॒मृ॒द्ध्य॑ आ॒मि॒क्षा वै॒श्य॑स्य पा॒क॒य॒ज्ञ॑स्य
 रू॒पं पु॒ष्ट्यै॑ प॒यो ब्रा॒ह्म॒ण॑स्य ते॒जो वै ब्रा॒ह्म॒ण॑स्ते॒जः प॒य॒स्ते॒ज॑सै॒व
 ते॒जः प॒य आ॒त्मन् ध॒त्ते ऽथो॑ प॒य॒सा वै गर्भा॑ वर्द्धन्ते गर्भ॑ इ॒व ख॒लु
 वा ए॒ष यद् दी॒क्षि॒तो यद॑स्य प॒यो व्र॑तं भव॒त्यात्मा॑नमे॒व तद् वर्द्ध॑यति
 त्रि॒व्र॒तो वै म॑नुरासीद् द्वि॒व्र॒ता अ॑सुरा ए॒क॒व्र॒ता – [] 27

TS 6.2.5.3 - Padam

रा॒ज॒न्यः॑ । व॒ज्र॑स्य । रू॒पम् । स॒मृ॒द्ध्य॑ इति सं-ऋ॒द्ध्यै॑ । आ॒मि॒क्षा ।
 वै॒श्य॑स्य । पा॒क॒य॒ज्ञ॑स्येति पा॒क – य॒ज्ञ॑स्य । रू॒पम् । पु॒ष्ट्यै॑ । प॒यः ।
 ब्रा॒ह्म॒ण॑स्य । ते॒जः । वै । ब्रा॒ह्म॒णः । ते॒जः । प॒यः । ते॒ज॑सा । ए॒व ।
 ते॒जः । प॒यः । आ॒त्मन् । ध॒त्ते । अथो॑ इति । प॒य॒सा । वै । गर्भाः॑ ।

व॒र्द्धन्ते॑ । गर्भः॑ । इ॒व । ख॒लु । वै । ए॒षः । यत् । दी॒क्षितः॑ । यत् ।
 अ॒स्य । प॒यः । व्र॒तम् । भ॒वति॑ । आ॒त्मानम्॑ । ए॒व । तत् । व॒र्द्धय॑ति ।
 त्रि॒व्र॒त इति॑ त्रि – व्र॒तः । वै । म॒नुः । आ॒सीत् । द्वि॒व्र॒ता इति॑
 द्वि – व्र॒ताः । अ॒सुराः॑ । ए॒क॒व्र॒ता इत्ये॒क – व्र॒ताः । 27 (50)

TS 6.2.5.4

दे॒वाः प्रा॒तर्म॑द्ध्यन्दि॒ने सा॒यं तन् म॒नो॑र्व्र॒तमा॑सीत् पा॒कय॑ज्ञस्य॒ रूपं॑
 पु॒ष्ट्यै॑ प्रा॒तश्च॑ सा॒यं चा॒सुरा॑णां निर्म॑द्ध्यं क्षु॒धो रू॒पं त॒तस्ते॑ प॒रा
 ऽभ॒वन् म॑द्ध्यन्दि॒ने म॑द्ध्य॒रात्रे॑ दे॒वानां॑ त॒तस्ते॑ ऽभ॒वन्त् सु॒वर्गं॑
 लो॒कमा॑यन् । य॒दस्य॑ म॑द्ध्यन्दि॒ने म॑द्ध्य॒रात्रे॑ व्र॒तं भ॑वति म॑द्ध्य॒तो वा
 अ॒न्नेन॑ भु॒ञ्जते॑ म॑द्ध्य॒त ए॒व तदूर्जं॑ ध॒त्ते भ्रा॑तृ॒व्याभि॑भू॒त्यै
 भ॒वत्या॑त्म॒ना – [] 28

TS 6.2.5.4 - Padam

दे॒वाः । प्रा॒तः । म॑द्ध्यन्दि॒ने । सा॒यम् । तत् । म॒नोः॑ । व्र॒तम् ।
 आ॒सीत् । पा॒कय॑ज्ञस्येति॑ पा॒क – य॑ज्ञस्य॒ रूपम्॑ । पु॒ष्ट्यै॑ । प्रा॒तः ।
 च । सा॒यम् । च । अ॒सुरा॑णाम् । निर्म॑द्ध्यमि॒ति निः–म॑द्ध्यम् ।

क्षु॒धः । रू॒पम् । ततः॑ । ते । परेति॑ । अ॒भ॒वन् । म॒द्ध्य॒न्दि॒ने ।
 म॒द्ध्य॒रा॒त्र इति॑ म॒द्ध्य – रा॒त्रे । दे॒वा॒ना॒म् । ततः॑ । ते । अ॒भ॒वन् ।
 सु॒व॒र्गमि॒ति सु॒वः-ग॒म् । लो॒कम् । आ॒यन् । यत् । अ॒स्य ।
 म॒द्ध्य॒न्दि॒ने । म॒द्ध्य॒रा॒त्र इति॑ म॒द्ध्य-रा॒त्रे । व्र॒तम् । भ॒वति॑ ।
 म॒द्ध्य॒तः । वै । अ॒न्ने॒न । भु॒ञ्ज॒ते । म॒द्ध्य॒तः । ए॒व । तत् । ऊ॒र्ज॒म् ।
 ध॒त्ते । भ्रा॒तृ॒व्या॒भि॒भू॒त्या इति॑ भ्रा॒तृ॒व्य – अ॒भि॒भू॒त्यै । भ॒वति॑ ।
 आ॒त्म॒ना । 28 (50)

TS 6.2.5.5

प॒रा ऽस्य॑ भ्रा॒तृ॒व्यो भ॒वति॑ ग॒र्भो वा ए॒ष यद् दी॒क्षि॒तो यो॒नि
 दी॒क्षि॒तवि॒मितं॑ यद् दी॒क्षि॒तो दी॒क्षि॒तवि॒मिता॒त् प्र॒व॒से॒द् यथा॑ यो॒नेर्ग॒र्भः
 स्क्र॒न्दति॑ ता॒दृ॒गे॒व तन्न॑ प्र॒व॒स्त॒व्यमा॒त्म॒नो गो॒पी॒था॒यैष॑ वै व्याघ्रः
 कु॒ल॒गो॒पो यद॒ग्नि॒स्तस्मा॒द् यद् दी॒क्षि॒तः प्र॒व॒से॒त् स ए॒नमी॒श्वरो॑ ऽनू॒त्था॒य
 ह॒न्तो॒र्न प्र॒व॒स्त॒व्यमा॒त्म॒नो गु॒प्त्यै दक्षि॑णतः श॒य ए॒तद्-वै य॑ज॒मान॒स्या
 () ऽऽय॑त॒न॒स्व ए॒वाऽऽय॑त॒ने श॒ये ऽग्नि॑म॒भ्यावृ॑त्य श॒ये दे॒वता॑ ए॒व
 य॒ज्ञम॒भ्यावृ॑त्य श॒ये ॥ 29

TS 6.2.5.5 - Padam

परेति॑ । अस्य॑ । भ्रातृ॑व्यः । भवति॑ । गर्भः॑ । वै । एषः॑ । यत् ।
दीक्षितः॑ । योनिः॑ । दीक्षितविमितमिति॑ दीक्षित – विमितम् । यत् ।
दीक्षितः॑ । दीक्षितविमितादिति॑ दीक्षित – विमितात् । प्रवसेदिति॑
प्र – वसेत्॑ । यथा॑ । योनैः॑ । गर्भः॑ । स्कन्दति॑ । तादृक्॑ । एव ।
तत् । न । प्रवस्तव्यमिति॑ प्र – वस्तव्यम् । आत्मनः॑ । गोपी॒थाय॑ ।
एषः॑ । वै । व्याघ्रः॑ । कुलगोप॑ इति कुल – गोपः॑ । यत् । अग्निः॑ ।
तस्मात्॑ । यत् । दीक्षितः॑ । प्रवसेदिति॑ प्र – वसेत्॑ । सः॑ । एनम् ।
ईश्वरः॑ । अनू॒त्थायेत्यनु॑ – उत्थाय॑ । हन्तौः॑ । न । प्रवस्तव्यमिति॑
प्र – वस्तव्यम् । आत्मनः॑ । गुप्त्यै॑ । दक्षिणतः॑ । शये॑ । एतत् । वै ।
यजमानस्य॑ () । आयतनमित्या॑ – यतनम् । स्वे । एव । आयतन॑
इत्या॑-यतने । शये॑ । अग्निम् । अभ्यावृत्येत्यभि॑-आवृत्य । शये॑ ।
देवताः॑ । एव । यज्ञम् । अभ्यावृत्येत्यभि॑ – आवृत्य । शये॑ ॥ 29 (63)
(एतद्वै-क्रूर॑ इवै-कव्रता॑-आत्मना॑-यजमानस्य॑-त्रयोदश॑ च) (A5)

TS 6.2.6.1

पुरो॑ह॒वि॒षि॒ दे॒व॒य॒ज॒ने॒ या॒ज॒ये॒द्-यं॑ का॒म॒ये॒तो॒पै॒न॒मु॒त्त॒रो॒ य॒ज्ञो॑ न॒मे॒द॒भि॒
सु॒व॒र्गं॑ लो॒कं॑ ज॒ये॒दित्ये॒तद्-वै॑ पु॒रो॒ह॒वि॒र्दे॒व॒य॒ज॒नं॑ य॒स्य॑ हो॒ता॑
प्रा॒त॒र॒नु॒वा॒क -म॒नु॒ब्रु॒व-न्न॒ग्नि॒म॒प आ॒दि॒त्य॒म॒भि वि॒प॒श्य॒त्यु॒पै॒न॒मु॒त्त॒रो॒
य॒ज्ञो॑ न॒म॒त्य॒भि सु॒व॒र्गं॑ लो॒कं॑ ज॒य॒त्या॒प्ते॑ दे॒व॒य॒ज॒ने॒ या॒ज॒ये॒द्-
भ्रा॒तृ॒व्य॒व॒न्तं॑ प॒न्थां॑ वा ऽधि॒स्प॒र्श॒ये॒त् क॒र्त॒ं वा॑ या॒व॒न्ना॒न॒से॒

या॒त॒वै- [] 30

TS 6.2.6.1 - Padam

पुरो॑ह॒वि॒षी॒ति॒ पु॒रः-ह॒वि॒षि॒ । दे॒व॒य॒ज॒न इति॑ दे॒व-य॒ज॒ने॒ । या॒ज॒ये॒त् ।
य॒म् । का॒म॒ये॒त । उ॒पे॒ति॒ । ए॒न॒म् । उ॒त्त॒र इत्यु॒त् - त॒रः॒ । य॒ज्ञः॒ ।
न॒मे॒त् । अ॒भी॒ति॒ । सु॒व॒र्ग॒मि॒ति॒ सु॒वः-ग॒म् । लो॒क॒म् । ज॒ये॒त् । इति॑ ।
ए॒त॒त् । वै । पु॒रो॒ह॒वि॒रि॒ति॒ पु॒रः-ह॒विः॒ । दे॒व॒य॒ज॒न॒मि॒ति॒ दे॒व-य॒ज॒न॒म् ।
य॒स्य॑ । हो॒ता॑ । प्रा॒त॒र॒नु॒वा॒क॒मि॒ति॒ प्रा॒तः-अ॒नु॒वा॒क॒म् ।
अ॒नु॒ब्रु॒व॒न्नि॒त्य॒नु - ब्रु॒व॒न् । अ॒ग्नि॒म् । अ॒पः॒ । आ॒दि॒त्य॒म् । अ॒भी॒ति॒ ।
वि॒प॒श्य॒ती॒ति॒ वि-प॒श्य॒ति॒ । उ॒पे॒ति॒ । ए॒न॒म् । उ॒त्त॒र इत्यु॒त् - त॒रः॒ ।

य॒ज्ञः । न॒म॒ति॒ । अ॒भी॒ति॒ । सु॒व॒र्ग॒मि॒ति॒ सु॒वः – ग॒म् । लो॒क॒म् ।
ज॒य॒ति॒ । आ॒प्ते॒ । दे॒व॒य॒ज॒न॒ इति॑ दे॒व–य॒ज॒ने॒ । या॒ज॒ये॒त् ।
भ्रा॒तृ॒व्य॒व॒न्त॒मि॒ति॒ भ्रा॒तृ॒व्य – व॒न्त॒म् । प॒न्था॒म् । वा ।
अ॒धि॒स्पर्॒श॒ये॒दि॒त्य॒धि–स्पर्॒श॒ये॒त् । क॒र्त॒म् । वा । या॒व॒त् । न ।
अ॒न॒से॒ । या॒त॒वै । 30 (50)

TS 6.2.6.2

न र॒था॒यै॒तद्–वा॒ आ॒प्तं॑ दे॒व॒य॒ज॒न॒मा॒प्नो॒त्ये॒व भ्रा॒तृ॒व्यं॒ नैनं॑ भ्रा॒तृ॒व्य
आ॒प्नो॒त्ये॒को॒न्न॒ते॒ दे॒व॒य॒ज॒ने॒ या॒ज॒ये॒त् प॒शु॒का॒म–मे॒को॒न्न॒ताद्–वै
दे॒व॒य॒ज॒ना॒द॒ङ्गि॒र॒सः॑ प॒शू॒न॒सृ॒ज॒न्ता॒न्तरा॑ स॒दो॒ह॒वि॒र्द्धाने॑ उ॒न्न॒तः॑
स्या॒दे॒तद्–वा॒ ए॒को॒न्न॒तं॑ दे॒व॒य॒ज॒नं॑ प॒शु॒मा॒ने॒व भ॒व॒ति॒ त्र्यु॒न्न॒ते॒ दे॒व॒य॒ज॒ने॒
या॒ज॒ये॒त् सु॒व॒र्ग॒का॒मं॑ त्र्यु॒न्न॒ताद्–वै॑ दे॒व॒य॒ज॒ना॒द॒ङ्गि॒र॒सः॑ सु॒व॒र्गं
लो॒क॒मा॒य–न॒न्तरा॑ ऽऽह॒व॒नी॒यं॑ च ह॒वि॒र्द्धानं॑ चो– [] 31

TS 6.2.6.2 - Padam

न । र॒था॒य॒ । ए॒त॒त् । वै । आ॒प्त॒म् । दे॒व॒य॒ज॒न॒मि॒ति॒ दे॒व – य॒ज॒न॒म् ।
आ॒प्नो॒ति॒ । ए॒व । भ्रा॒तृ॒व्य॒म् । न । ए॒न॒म् । भ्रा॒तृ॒व्यः॑ । आ॒प्नो॒ति॒ ।

ए॒को॒न्न॒त॒ इत्ये॒क॒-उ॒न्न॒ते । दे॒व॒य॒ज॒न॒ इति॑ दे॒व - य॒ज॒ने । या॒ज॒ये॒त् ।
 प॒शु॒का॒म॒मि॒ति॑ प॒शु - का॒म॒म् । ए॒को॒न्न॒ता॒दि॒त्ये॒क॒ - उ॒न्न॒ता॒त् । वै ।
 दे॒व॒य॒ज॒ना॒दि॒ति॑ दे॒व - य॒ज॒ना॒त् । अ॒ङ्गि॒र॒सः । प॒शून् । अ॒सृ॒ज॒न्त॒ ।
 अ॒न्त॒रा । स॒दो॒ह॒वि॒र्धा॒ने॒ इति॑ स॒दः-ह॒वि॒र्धा॒ने ।
 उ॒न्न॒त॒मि॒त्यु॒त् - न॒त॒म् । स्या॒त् । ए॒त॒त् । वै ।
 ए॒को॒न्न॒त॒मि॒त्ये॒क॒ - उ॒न्न॒त॒म् । दे॒व॒य॒ज॒न॒मि॒ति॑ दे॒व - य॒ज॒न॒म् ।
 प॒शु॒मा॒नि॒ति॑ प॒शु - मा॒न् । ए॒व । भ॒व॒ति॒ । त्र्यु॒न्न॒त॒ इति॑ त्रि - उ॒न्न॒ते ।
 दे॒व॒य॒ज॒न॒ इति॑ दे॒व - य॒ज॒ने । या॒ज॒ये॒त् । सु॒व॒र्ग॒का॒म॒मि॒ति॑
 सु॒व॒र्ग॒ - का॒म॒म् । त्र्यु॒न्न॒ता॒दि॒ति॑ त्रि - उ॒न्न॒ता॒त् । वै । दे॒व॒य॒ज॒ना॒दि॒ति॑
 दे॒व - य॒ज॒ना॒त् । अ॒ङ्गि॒र॒सः । सु॒व॒र्ग॒मि॒ति॑ सु॒वः - ग॒म् । लो॒क॒म् ।
 आ॒य॒न् । अ॒न्त॒रा । आ॒ह॒व॒नी॒य॒मि॒त्या॒-ह॒व॒नी॒य॒म् । च॒ । ह॒वि॒र्धा॒न॒मि॒ति॑
 ह॒विः॒ - धा॒न॒म् । च॒ । 31 (50)

TS 6.2.6.3

-न्न॒त॒ꣳ स्या॒द॒न्त॒रा ह॒वि॒र्धा॒नं॑ च॒ स॒द॒श्चा॒न्त॒रा स॒द॒श्च॒ गा॒र्ह॒प॒त्यं
 चै॒त॒द्-वै॒ त्र्यु॒न्न॒तं॑ दे॒व॒य॒ज॒नꣳ सु॒व॒र्ग॒मे॒व लो॒क॒मे॒ति॑ प्र॒ति॒ष्ठि॒ते दे॒व॒य॒ज॒ने

याजयेत् प्रतिष्ठाकाममेतद्-वै प्रतिष्ठितं देवयजनं यथ सर्वतः समं
प्रत्येव तिष्ठति यन्नान्याअन्या ओषधयो व्यतिषक्ताः स्यु स्तद्-याजयेत्
पशुकाममेतद्-वै पशूनां रूपं रूपेणैवास्मै पशू- [] 32

TS 6.2.6.3 - Padam

उन्नतमित्युत् - नतम् । स्यात् । अन्तरा । हविर्धानमिति
हविः - धानम् । च । सदः । च । अन्तरा । सदः । च ।
गार्हपत्यमिति गार्ह - पत्यम् । च । एतत् । वै । न्युन्नतमिति
त्रि - उन्नतम् । देवयजनमिति देव - यजनम् । सुवर्गमिति
सुवः - गम् । एव । लोकम् । एति । प्रतिष्ठित इति प्रति - स्थिते ।
देवयजन इति देव - यजने । याजयेत् । प्रतिष्ठाकाममिति
प्रतिष्ठा - कामम् । एतत् । वै । प्रतिष्ठितमिति प्रति - स्थितम् ।
देवयजनमिति देव - यजनम् । यत् । सर्वतः । समम् । प्रतीति ।
एव । तिष्ठति । यत्र । अन्याअन्या इत्यन्याः - अन्याः । ओषधयः ।
व्यतिषक्ता इति वि - अतिषक्ताः । स्युः । तत् । याजयेत् ।

प॒शु॒का॒म॒मि॒ति॒ प॒शु॒ – का॒म॒म् । ए॒तत् । वै । प॒शू॒ना॒म् । रू॒प॒म् ।
रू॒पे॒ण । ए॒व । अ॒स्मै । प॒शून् । 32 (50)

TS 6.2.6.4

न॒व रु॒न्धे प॒शु॒मा॒ने॒व भ॒वति॒ निर्ऋ॒ति॒गृ॒ही॒ते दे॒व॒य॒ज॒ने या॒ज॒येद्-यं
का॒म॒ये॒त निर्ऋ॒त्या॒स्य य॒ज्ञं ग्रा॒ह॒ये॒य॒मि॒त्ये॒तद्-वै निर्ऋ॒ति॒गृ॒ही॒तं
दे॒व॒य॒ज॒नं य॑थ् स॒दृ॒श्यै स॒त्या ऋ॒क्षं निर्ऋ॒त्यै॒वा॒स्य य॒ज्ञं ग्रा॒ह॒य॒ति
व्या॒वृ॒त्ते दे॒व॒य॒ज॒ने या॒ज॒ये॒द् व्या॒वृ॒त्का॒मं यं पा॒त्रे वा त॒ल्पे वा
मी॒मा॒ं॒से॒रन् प्रा॒ची॒न॒मा॒ह॒व॒नी॒यात् प्र॒व॒ण॒ स्या॒त् प्र॒ती॒ची॒नं
गा॒र्ह॒प॒त्या॒दे॒तद्-वै व्या॒वृ॒त्तं दे॒व॒य॒ज॒नं वि पा॒प्म॒ना () भ्रा॒तृ॒व्ये॒णाऽऽ
व॒र्त॒ते नैनं पा॒त्रे न त॒ल्पे मी॒मा॒ं॒स॒न्ते का॒र्ये दे॒व॒य॒ज॒ने
या॒ज॒ये॒द्-भू॒ति॒का॒मं का॒र्यो वै पु॒रु॒षो भ॒व॒त्ये॒व ॥ 33

TS 6.2.6.4 - Padam

अ॒वे॒ति॒ । रु॒न्धे । प॒शु॒मा॒नि॒ति॒ प॒शु॒ – मा॒न् । ए॒व । भ॒व॒ति॒ ।
निर्ऋ॒ति॒गृ॒ही॒त इति॒ निर्ऋ॒ति॒ – गृ॒ही॒ते । दे॒व॒य॒ज॒न इति॒ दे॒व॒-य॒ज॒ने ।
या॒ज॒ये॒त् । य॒म् । का॒म॒ये॒त । निर्ऋ॒त्ये॒ति निः – ऋ॒त्या । अ॒स्य ।

य॒ज्ञम् । ग्रा॒ह॒ये॒यम् । इति॑ । ए॒तत् । वै ।

नि॒र्ऋ॒ति॒गृ॒ही॒त॒मि॒ति॒ नि॒र्ऋ॒ति॒ – गृ॒ही॒त॒म् । दे॒व॒य॒ज॒न॒मि॒ति॒
दे॒व – य॒ज॒न॒म् । यत् । स॒दृ॒श्यै॑ । स॒त्याः॑ । ऋ॒क्षम् ।

नि॒र्ऋ॒त्ये॒ति॒ निः – ऋ॒त्या । ए॒व । अ॒स्य॑ । य॒ज्ञम् । ग्रा॒ह॒य॒ति॒ ।
व्या॒वृ॒त्त॒ इति॑ वि-आ॒वृ॒त्ते । दे॒व॒य॒ज॒न॒ इति॑ दे॒व – य॒ज॒ने । या॒ज॒ये॒त् ।
व्या॒वृ॒त्काम॑मि॒ति॒ व्या॒वृ॒त्-काम॑म् । यम् । पा॒त्रे॑ । वा । त॒ल्पे॑ । वा ।
मी॒मा॒ं॒से॒र॒न् । प्रा॒ची॒न॒म् । आ॒ह॒व॒नी॒या॒दि॒त्या – ह॒व॒नी॒या॒त् ।

प्र॒व॒ण॒मि॒ति॒ प्र – व॒न॒म् । स्या॒त् । प्र॒ती॒ची॒न॒म् ।

गा॒र्ह॒प॒त्या॒दि॒ति॒ गा॒र्ह॒ – प॒त्या॒त् । ए॒तत् । वै । व्या॒वृ॒त्त॒मि॒ति॒
वि – आ॒वृ॒त्त॒म् । दे॒व॒य॒ज॒न॒मि॒ति॒ दे॒व – य॒ज॒न॒म् । वी॒ति॒ ।

पा॒प्म॒ना॑ () । भ्रा॒तृ॒व्ये॒ण । ए॒ति॒ । वर्त॑ते । न । ए॒न॒म् । पा॒त्रे॑ । न ।
त॒ल्पे॑ । मी॒मा॒ं॒स॒न्ते॑ । का॒र्ये॑ । दे॒व॒य॒ज॒न॒ इति॑ दे॒व-य॒ज॒ने । या॒ज॒ये॒त् ।
भू॒ति॒काम॑मि॒ति॒ भू॒ति॒ – का॒म॒म् । का॒र्यः॑ । वै । पु॒रु॒षः । भ॒व॒ति॒ ।

ए॒व ॥ 33 (68) (या॒त॒वै – ह॒वि॒र्धा॒नं॑ च – प॒शून् – पा॒प्म॒ना –
ॐ॒ष्टा॒द॒श॒ च) (A6)

TS 6.2.7.1

तेभ्य॑ उत्तर॒वेदिः॑ सि॒॒ही॒ रूपं॑ कृ॒त्वोभया॑-नन्तराऽप॒क्रम्यातिष्ठत्॑ ते
देवा॑ अमन्यन्त॒ यतरान्॑ वा इ॒यमुपाव॑थ्स्यति॒ त इदं॑ भविष्यन्तीति॒
तामुपा॑मन्त्रयन्त॒ सा अब्र॑वीद् वरं॑ वृ॒णै॒ सर्वान्॑ मया॒ कामान्॑ व्य॒ञ्जवथ॑
पूर्वा॑ तु मा॒ ऽग्नेराहु॑ति-रञ्जवता॒ इति॑ तस्मादुत्तरवेदिं॒ पूर्वाम॑ग्ने-
व्याघा॑रयन्ति॒ वारेवृ॑त॒ ह्यस्यै॑ शम्यया॒ परि॑ मिमीते- [] 34

TS 6.2.7.1 - Padam

तेभ्यः॑ । उत्तर॒वेदि॒रित्युत्तर॑ - वेदिः॑ । सि॒॒हीः॑ । रूपम् । कृ॒त्वा ।
उ॒भया॑न् । अन्तरा॑ । अ॒प॒क्रम्ये॒त्यप॑ - क्रम्य॑ । अ॒तिष्ठत्॑ । ते । दे॒वाः ।
अ॒मन्य॑न्त । य॒तरान्॑ । वै । इ॒यम् । उ॒पा॒व॒थ्स्य॑तीत्युप-आ॒व॒थ्स्य॑ति ।
ते । इ॒दम् । भ॒विष्य॑न्ति । इति॑ । ताम् । उ॒पेति॑ । अ॒मन्त्र॑यन्त । सा ।
अ॒ब्र॒वीत् । वरम्॑ । वृ॒णै॒ । सर्वान्॑ । मया॑ । का॒मान् । वी॒ति ।
अ॒ञ्ज॒वथ॑ । पूर्वा॑म् । तु । मा॒ । अ॒ग्नेः॑ । आ॒हु॒ति॒रित्या॑ - हु॒तिः॑ ।
अ॒ञ्ज॒वतै॑ । इति॑ । तस्मात् । उत्तर॒वेदि॒मित्युत्तर॑ - वेदि॑म् । पूर्वा॑म् ।

अ॒ग्नेः । व्या॒घ्रा॒रय॒न्तीति॑ वि॒-आ॒घ्रा॒रय॒न्ति । वा॒रे॒वृ॒तमि॒ति वा॒रे-वृ॒तम् ।

हि । अ॒स्यै । श॒म्यया॑ । प॒रीति॑ । मि॒मी॒ते । 34 (50)

TS 6.2.7.2

मा॒त्रैवा॒स्यै सा ऽथो॑ यु॒क्तेनै॒व यु॒क्तम॒व रु॒न्धे वि॒त्ताय॑नी मे ऽसी॒त्याह॑
वि॒त्ता ह्ये॒नाना॑वत् ति॒क्ताय॑नी मे ऽसी॒त्याह॑ ति॒क्तान् ह्ये॒नाना॑वद॒वता॑न्मा
नाथि॒तमि॒त्याह॑ नाथि॒तान् ह्ये॒नाना॑वद॒वता॑न् मा व्यथि॒तमि॒त्याह॑
व्यथि॒तान् ह्ये॒नाना॑वद्-वि॒देर॒ग्निर्न॒भो ना॒मा- [] 35

TS 6.2.7.2 - Padam

मा॒त्रा॑ । ए॒व । अ॒स्यै । सा । अ॒थो इति॑ । यु॒क्तेन॑ । ए॒व । यु॒क्तम् ।
अ॒वेति॑ । रु॒न्धे । वि॒त्ताय॑नीति॑ वि॒त्त - अ॒यनी॑ । मे । अ॒सि । इति॑ ।
आ॒ह । वि॒त्ता । हि । ए॒नान् । आ॒वत् । ति॒क्ताय॑नीति॑ ति॒क्त - अ॒यनी॑ ।
मे । अ॒सि । इति॑ । आ॒ह । ति॒क्तान् । हि । ए॒नान् । आ॒वत् ।
अ॒वता॑त् । मा । नाथि॒तम् । इति॑ । आ॒ह । नाथि॒तान् । हि । ए॒नान् ।
आ॒वत् । अ॒वता॑त् । मा । व्यथि॒तम् । इति॑ । आ॒ह । व्यथि॒तान् ।
हि । ए॒नान् । आ॒वत् । वि॒देः । अ॒ग्निः । न॒भः । ना॒म । 35 (50)

TS 6.2.7.3

अ॒ग्ने॑ अ॒ङ्गिर॑ इति॒ त्रिर्॑ ह॒रति॑ य ए॒वैषु॑ लो॒केष्व॒ग्नय॑-स्ताने॒वाव॑ रु॒न्धे
तू॒ष्णीं॑ च॒तुर्थं॑ ह॒रत्य॑नि-रु॒क्तमे॒वाव॑ रु॒न्धे सि॒न्ही॑रसि
महि॒षीर॑सीत्याह॒ सि॒न्हीर्ह्य॑षा रू॒पं कृ॒त्वोभ॑या-नन्तरा॒ ऽप॒क्रम्या॑तिष्ठदुरु
प्रथ॑स्वो॒रु ते॑ य॒ज्ञप॑तिः प्रथ॒तामि॑त्याह॒ यज॑मानमे॒व प्र॒जया॑ प॒शुभिः॑

प्रथयति ध्रुवा- [] 36

TS 6.2.7.3 - Padam

अ॒ग्ने॑ । अ॒ङ्गिरः॑ । इति॒ । त्रिः॑ । ह॒रति॑ । ये । ए॒व । ए॒षु । लो॒केषु॑ ।
अ॒ग्नयः॑ । तान् । ए॒व । अ॒वेति॑ । रु॒न्धे । तू॒ष्णीम् । च॒तुर्थम्॑ । ह॒रति॑ ।
अ॒निरु॑क्तमि॒त्यनिः॑ - उ॒क्तम् । ए॒व । अ॒वेति॑ । रु॒न्धे । सि॒न्हीः॑ ।
अ॒सि । म॒हिषीः॑ । अ॒सि । इति॒ । आ॒ह । सि॒न्हीः॑ । हि । ए॒षा ।
रू॒पम् । कृ॒त्वा । उ॒भयान्॑ । अ॒न्तरा॑ । अ॒प॒क्रम्ये॑त्यप - क्र॒म्य ।
अ॒तिष्ठ॑त् । उ॒रु । प्रथ॑स्व । उ॒रु । ते । य॒ज्ञप॑तिरिति॒ य॒ज्ञ - प॑तिः ।
प्रथ॑ताम् । इति॒ । आ॒ह । यज॑मानम् । ए॒व । प्र॒जयेति॑ प्र - ज॒या ।
प॒शुभि॑रिति॒ प॒शु - भिः॑ । प्रथ॑यति । ध्रु॒वा । 36 (50)

TS 6.2.7.4

ऽसीति॑ स॒ ह॒न्ति॑ धृ॒त्यै॑ दे॒वेभ्यः॑ शु॒न्धस्व॑ दे॒वेभ्यः॑ शु॒भस्वेत्य॑व
चो॒क्षति॑ प्र च॑ कि॒रति॑ शु॒द्ध्या॑ इन्द्र॒घोष॑स्त्वा वसु॑भिः पु॒रस्ता॑त्
पा॒त्वित्या॑ह दिग्भ्य॑ ए॒वैनां॑ प्रो॒क्षति॑ दे॒वाश्चेदु॑-त्तरवेदि॒रुपा॑ववर्ती॒हैव॑
वि ज॒याम॑हा इत्य॒सुरा॑ वज्रमु॒द्यत्य॑ दे॒वानभ्या॑यन्त॒ तानिन्द्र॑घोषो वसु॑भिः
पु॒रस्ता॑दपा- [] 37

TS 6.2.7.4 - Padam

अ॒सि । इति॑ । स॒मिति॑ । ह॒न्ति॑ । धृ॒त्यै॑ । दे॒वेभ्यः॑ । शु॒न्धस्व॑ ।
दे॒वेभ्यः॑ । शु॒म्भस्व॑ । इति॑ । अ॒वेति॑ । च॒ । उ॒क्षति॑ । प्रेति॑ । च॒ ।
कि॒रति॑ । शु॒द्ध्यै॑ । इन्द्र॒घोष॑ इतीन्द्र - घोषः॑ । त्वा॒ । वसु॑भिरिति॒
वसु॑ - भिः॒ । पु॒रस्ता॑त् । पा॒तु । इति॑ । आ॒ह । दिग्भ्य॑ इति॒
दिक् - भ्यः॑ । ए॒व । ए॒नाम् । प्रेति॑ । उ॒क्षति॑ । दे॒वान् । च॒ । इत् ।
उ॒त्तरवेदि॑रित्युत्तर - वेदिः॑ । उ॒पाव॑वर्तीत्युप - आ॒ववर्ति॑ । इ॒ह । ए॒व ।
वीति॑ । ज॒याम॑है । इति॑ । अ॒सुराः॑ । वज्र॑म् । उ॒द्यत्येत्यु॑त् - यत्य॑ ।

दे॒वान् । अ॒भी॒ति॑ । आ॒य॒न्त॑ । ता॒न् । इ॒न्द्र॒घो॒ष इ॒तीन्द्र॑ – घो॒षः ।

व॒सु॒भि॒रि॒ति॑ व॒सु – भिः॑ । पु॒र॒स्ता॒त् । अ॒पे॒ति॑ । 37 (50)

TS 6.2.7.5

–नु॒द॒त॒ मनो॑ज॒वाः पि॒तृ॒भि॒र्दक्षि॑ण॒तः प्र॒चे॒ता रु॒द्रैः

प॒श्चाद्–वि॒श्व॒कर्मा॑ ऽऽदि॒त्यैरु॒त्तर॑तो यदे॒वमु॒त्तर॑वे॒दिं प्रो॒क्ष॒ति दि॒ग्भ्य॑

ए॒व तद्–य॒ज॒मा॒नो भ्रा॑तृ॒व्यान् प्र॑ पु॒द॒त इन्द्रो॑ यती॒न्थ् सा॒लावृ॑के॒भ्यः

प्रा॒यच्छ॑त् ता॒न् दक्षि॑ण॒त उत्तर॑वे॒द्या आ॒द॒न् यत् प्रो॒क्ष॒णी॒ना–मु॒च्छिष्ये॑त्

तद् दक्षि॑ण॒त उत्तर॑वे॒द्यै नि॑ न॒येद्–यदे॒व तत्र॑ कू॒रं तत् ते॒न श॑म॒य॒ति

यं द्वि॒ष्यात् तं॑ ध्या॒येच्छु॑चै () वैन॑म॒र्प॒य॒ति ॥ 38

TS 6.2.7.5 - Padam

अ॒नु॒द॒त॒ । मनो॑ज॒वा इति॑ मनः – ज॒वाः । पि॒तृ॒भि॒रि॒ति॑ पि॒तृ – भिः॑ ।

दक्षि॑ण॒तः । प्र॒चे॒ता इति॑ प्र – चे॒ताः । रु॒द्रैः । प॒श्चात् । वि॒श्व॒कर्मे॑ति

वि॒श्व – क॒र्मा । आ॒दि॒त्यैः । उ॒त्तर॑त इत्यु॒त् – त॒र॒तः । यत् । ए॒वम् ।

उ॒त्तर॑वे॒दिमि॒त्यु॒त्तर – वे॒दिम् । प्रो॒क्ष॒तीति॑ प्र – उ॒क्ष॒ति । दि॒ग्भ्य॑ इति॑

दिक् – भ्यः । ए॒व । तत् । य॒ज॒मा॒नः । भ्रा॑तृ॒व्यान् । प्रेति॑ । नु॒द॒ते ।

इन्द्रः । यतीन् । सालावृकेभ्यः । प्रेति । अयच्छत् । तान् ।
दक्षिणतः । उत्तरवेद्या इत्युत्तर – वेद्याः । आदन् । यत् ।
प्रोक्षणीनामिति प्र – उक्षणीनाम् । उच्छिष्येतेत्युत् – शिष्येत । तत् ।
दक्षिणतः । उत्तरवेद्या इत्युत्तर – वेद्यै । नीति । नयेत् । यत् । एव ।
तत्र । क्रूरम् । तत् । तेन । शमयति । यम् । द्विष्यात् । तम् । ध्यायेत् ।
शुचा () । एव । एनम् । अर्पयति ॥ 38 (53)

(मिमीते – नाम – ध्रुवा – ऽप – शुचा – त्रीणि च) (A7)

TS 6.2.8.1

सोत्तरवेदिरब्रवीथ् सर्वान् मया कामान् व्यश्नवथेति ते देवा
अकामयन्तासुरान् भ्रातृव्यानभि भवेमेति ते ऽजुहवुः सि॒॒हीरसि
सपत्नसाही स्वाहेति ते ऽसुरान् भ्रातृव्या-नभ्यभवन् ते ऽसुरान्
भ्रातृव्या-नभिभूयाकामयन्त प्रजां विन्देमहीति ते ऽजुहवुः सि॒॒हीरसि
सुप्रजावनिः स्वाहेति ते प्रजामविन्दन्त ते प्रजां वित्वा- [] 39

TS 6.2.8.1 - Padam

सा । उत्तरवेदिरित्युत्तर-वेदिः । अब्रवीत् । सर्वान् । मया । कामान् ।
वीति । अश्नवथ । इति । ते । देवाः । अकामयन्त । असुरान् ।
भ्रातृव्यान् । अभीति । भवेम । इति । ते । अजुहवुः । सिंहीः ।
असि । सपन्नसाहीति सपन्न – साही । स्वाहा । इति । ते ।
असुरान् । भ्रातृव्यान् । अभीति । अभवन् । ते । असुरान् ।
भ्रातृव्यान् । अभिभूयेत्यभि – भूय । अकामयन्त । प्रजामिति
प्र-जाम् । विन्देमहि । इति । ते । अजुहवुः । सिंहीः । असि ।
सुप्रजावनिरिति सुप्रजा – वनिः । स्वाहा । इति । ते ।
प्रजामिति प्र-जाम् । अविन्दन्त । ते । प्रजामिति प्र – जाम् ।
वित्त्वा । 39 (50)

TS 6.2.8.2

ऽकामयन्त पशून् । विन्देमहीति ते ऽजुहवुः सिंहीरसि रायस्पोषवनिः
स्वाहेति ते पशून्विन्दन्त ते पशून् । वित्त्वाऽकामयन्त प्रतिष्ठां
विन्देमहीति ते ऽजुहवुः सिंही-रस्यादित्यवनिः स्वाहेति त इमां

प्रति॑ष्ठाम॒विन्दन्त॒ त इ॒मां प्रति॑ष्ठां वि॒त्त्वा ऽकाम॑यन्त दे॒वता आ॒शिष॒
उपे॑यामेति ते॒ऽजु॒हवुः॑ सि॒॒॒ही॒रस्या॑ वह॒ दे॒वान् दे॒वय॑ते- [] 40

TS 6.2.8.2 - Padam

अ॒काम॑यन्त । प॒शून् । वि॒न्देम॒हि । इति॑ । ते । अ॒जु॒हवुः॑ । सि॒॒॒हीः॑ ।
अ॒सि । रा॒यस्पोष॑वनि॒रिति॑ रा॒यस्पोष॑ – वनिः॑ । स्वाहा॑ । इति॑ । ते ।
प॒शून् । अ॒विन्दन्त॒ । ते । प॒शून् । वि॒त्त्वा । अ॒काम॑यन्त । प्रति॑ष्ठामिति॑
प्रति॑ – स्था॒म् । वि॒न्देम॒हि । इति॑ । ते । अ॒जु॒हवुः॑ । सि॒॒॒हीः॑ ।
अ॒सि । आ॒दि॒त्यवनि॑रि॒त्यादि॒त्य – वनिः॑ । स्वाहा॑ । इति॑ । ते ।
इ॒माम् । प्रति॑ष्ठामिति॑ प्रति॑ – स्था॒म् । अ॒विन्दन्त॒ । ते । इ॒माम् ।
प्रति॑ष्ठामिति॑ प्रति॑ – स्था॒म् । वि॒त्त्वा । अ॒काम॑यन्त । दे॒वताः॑ ।
आ॒शिष॒ इत्या॑ – शिषः॑ । उपे॑ति । इ॒याम् । इति॑ । ते । अ॒जु॒हवुः॑ ।
सि॒॒॒हीः॑ । अ॒सि । एति॑ । वह॒ । दे॒वान् ।
दे॒वय॑त इति॑ दे॒व – य॑ते । 40 (50)

TS 6.2.8.3

यज॑मानाय॒ स्वा॒हेति॑ ते दे॒वता॑ आ॒शिष॑ उपा॒यन् पञ्च॑ कृ॒त्वो
व्या॒घार॑यति॒ पञ्चा॑क्षरा॒ पङ्क्तिः॑ पाङ्क्तो॑ य॒ज्ञो य॒ज्ञमे॒वाव रु॒न्धे ऽक्ष॑णया
व्या॒घार॑यति॒ तस्मा॑दक्ष॒णया॒ पश॑वो ऽङ्गानि॒ प्र हर॑न्ति॒ प्रति॑ष्ठित्यै
भू॒तेभ्य॑स्त्वेति॒ सु॒चमु॒द्गृह्णा॑ति॒ य ए॒व दे॒वा भू॒तास्तेषां॑ तद्-भा॒गधे॒यं
ता॒ने॒व ते॒न प्री॑णाति॒ पौतु॑द्र॒वान् परि॑धीन् परि॒ दधा॑त्येषां- [] 41

TS 6.2.8.3 - Padam

यज॑मानाय । स्वा॒हा । इति॑ । ते । दे॒वताः॑ । आ॒शिष॑ इत्या॒ - शिषः॑ ।
उपेति॑ । आ॒यन् । पञ्च॑ । कृ॒त्वः । व्या॒घार॑यतीति॒ वि - आ॒घार॑यति ।
पञ्चा॑क्षरेति॒ पञ्च॑-अ॒क्षरा॑ । पङ्क्तिः॑ । पाङ्क्तः॑ । य॒ज्ञः । य॒ज्ञम् । ए॒व ।
अवेति॑ । रु॒न्धे । अ॒क्ष॒णया॑ । व्या॒घार॑यतीति॒ वि-आ॒घार॑यति । तस्मा॑त् ।
अ॒क्ष॒णया॑ । पश॑वः । अ॒ङ्गा॒नि । प्रेति॑ । हर॑न्ति । प्रति॑ष्ठित्या॒ इति॑
प्रति॑ - स्थि॒त्यै । भू॒तेभ्यः॑ । त्वा । इति॑ । सु॒चम् । उदि॑ति । गृ॒ह्णा॑ति ।
ये । ए॒व । दे॒वाः । भू॒ताः । तेषा॑म् । तत् । भा॒गधे॒यमि॑ति॒ भा॒ग-धे॒यम् ।

तान् । ए॒व । ते॒न । प्री॒णा॒ति । पौ॒तु॒द्र॒वान् । परि॒धी॒निति॑ परि – धीन् ।
परी॒ति । द॒धा॒ति । ए॒षाम् । 41 (50)

TS 6.2.8.4

लो॒का॒नां वि॒धृ॒त्या अ॒ग्ने॒स्त्रयो॑ ज्या॒या॒ऽसो॑ भ्रा॒तर आ॒सन् ते
दे॒वेभ्यो॑ ह॒व्यं व॑हन्तः प्रा॒मी॒यन्त॑ सो॒ऽग्नि॒र॒बि॒भे॒दित्थं॑ वा॒व
स्य आ॒र्ति॒मा अ॒रि॒ष्य॒तीति॑ स नि॒ला॒य॒त स यां व॑नस्पतिष्व॒व॒सत् तां
पू॒तु॒द्रौ या॒मोष॑धीषु तां सु॒गन्धि॑ते॒जने॑ यां प॒शुषु॑ तां पे॒त्व॒स्यान्तरा॑
शृ॒ङ्गे तं दे॒वताः॑ प्रै॒षमै॑च्छन् तमन्व॒विन्दन्॑ तमब्रु॒व- [] 42

TS 6.2.8.4 - Padam

लो॒का॒नाम् । वि॒धृ॒त्या इति॑ वि॒धृ॒त्यै । अ॒ग्नेः । त्र॒यः । ज्या॒या॒ऽसः ।
भ्रा॒तरः । आ॒सन् । ते । दे॒वेभ्यः॑ । ह॒व्यम् । व॑हन्तः । प्रेति॑ ।
अ॒मी॒यन्त॑ । सः । अ॒ग्निः । अ॒बि॒भेत् । इ॒त्थम् । वा॒व । स्यः ।
आ॒र्ति॒म् । एति॑ । अ॒रि॒ष्य॒ति । इति॑ । सः । नि॒ला॒य॒त । सः । या॒म् ।
व॒नस्प॑तिषु । अ॒व॒सत् । ता॒म् । पू॒तु॒द्रौ । या॒म् । ओष॑धीषु । ता॒म् ।
सु॒गन्धि॑ते॒जन इति॑ सु॒गन्धि॑ – ते॒जने॑ । या॒म् । प॒शुषु॑ । ता॒म् ।

पे॒त्व॒स्य॑ । अ॒न्त॒रा । शृ॒ङ्गे॒ इति॑ । तम् । दे॒वताः॑ । प्रै॒षमि॑ति॒ प्र-ए॑षम् ।
ऐ॒च्छन् । तम् । अ॒न्वि॑ति । अ॒वि॒न्दन् । तम् । अ॒ब्रु॒वन् । 42 (50)

TS 6.2.8.5

-न्नुप॑ न आ॒ वर्त॑स्व ह॒व्यं नो॑ व॒हेति॑ सोऽब्र॑वीद् वरं वृ॒णै
यदे॒व गृ॒ही॒तस्या॑हु॒तस्य॑ ब॒हिःप॑रि॒धि स्क्॒न्दात् तन्मे॑ भ्रातृ॒णां
भा॒ग॒धे॒यम॑स॒दिति॑ तस्मा॒द्-यद्-गृ॒ही॒तस्या॑हु॒तस्य॑ ब॒हिःप॑रि॒धि
स्क्॒न्दति॑ तेषां तद् भा॒ग॒धे॒यं ता॒ने॒व ते॒न प्री॑णाति सोऽम॒न्यता॑स्थन्वन्तो
मे पूर्वे॑ भ्रा॒तरः॑ प्रा॒मेष॑ता॒स्थानि॑ शा॒तया॑ इति॑ स या॒न्य- [] 43

TS 6.2.8.5 - Padam

उ॒पेति॑ । नः । ए॒ति । वर्त॑स्व । ह॒व्यम् । नः । व॒ह । इति॑ । सः ।
अ॒ब्र॒वीत् । वर॑म् । वृ॒णै । यत् । ए॒व । गृ॒ही॒तस्य॑ । अ॒हु॒तस्य॑ ।
ब॒हिःप॑रि॒धीति॑ ब॒हिः - प॑रि॒धि । स्क्॒न्दात् । तत् । मे । भ्रातृ॒णाम् ।
भा॒ग॒धे॒यमि॑ति॒ भा॒ग - धे॒यम् । अ॒सत् । इति॑ । तस्मा॒त् । यत् ।
गृ॒ही॒तस्य॑ । अ॒हु॒तस्य॑ । ब॒हिःप॑रि॒धीति॑ ब॒हिः - प॑रि॒धि । स्क्॒न्दति॑ ।
तेषा॑म् । तत् । भा॒ग॒धे॒यमि॑ति॒ भा॒ग - धे॒यम् । ता॒न् । ए॒व । ते॒न ।

प्री॒णाति॑ । सः । अ॒म॒न्य॒त । अ॒स्थ॒न्व॒न्त॒ इत्य॑स्थन् - व॒न्तः । मे ।
पूर्वे॑ । भ्रा॒तरः॑ । प्रेति॑ । अ॒मे॒ष॒त । अ॒स्थानि॑ । शा॒त॒यै । इति॑ । सः ।
यानि॑ । 43 (50)

TS 6.2.8.6

-स्था॒न्य॒शा॒त॒य॒त॒ तत् पू॒तु॒द्र॒व-भ॒व॒द्-य॒न्मा॒स-मु॒प॒मृ॒तं तद्-गु॒ल्गु॒लु
य॒दे॒ता॒न्थ् सं॒भा॒रा॒न्थ् सं॒ भ॒र॒त्य॒ग्नि॒मे॒व तथ् सं॒भ॒र॒त्य॒ग्नेः पु॒री॒ष-
म॒सी॒त्या॒हा॒ग्ने॒र्ह्य॒तत् पु॒री॒षं य॒थ् सं॒भा॒रा अ॒थो ख॒ल्वा॒हु॒रे॒ते वा॒वैनं॑ ते
भ्रा॒तरः॑ परि॑ शो॒रे यत् पू॒तु॒द्र॒वाः परि॑ध॒य इति॑ ॥ 44

TS 6.2.8.6 - Padam

अ॒स्थानि॑ । अ॒शा॒त॒य॒त॒ तत् पू॒तु॒द्र॒व । अ॒भ॒व॒त् । यत् । मा॒स॒म् ।
उ॒प॒मृ॒त॒मि॒त्यु॒प - मृ॒त॒म् । तत् । गु॒ल्गु॒लु । यत् । ए॒तान् ।
सं॒भा॒रा॒निति॑ सं - भा॒रान् । स॒म्भ॒र॒तीति॑ सं-भ॒रति॑ । अ॒ग्नि॒म् । ए॒व ।
तत् । स॒मि॒ति॑ । भ॒रति॑ । अ॒ग्नेः । पु॒री॒ष॒म् । अ॒सि॒ । इति॑ । आ॒ह ।
अ॒ग्नेः । हि॒ । ए॒तत् । पु॒री॒ष॒म् । यत् । सं॒भा॒रा इति॑ सं - भा॒राः ।
अ॒थो इति॑ । ख॒लु । आ॒हुः । ए॒ते । वा॒व । ए॒न॒म् । ते । भ्रा॒तरः॑ ।

परीति॑ । शेरे॑ । यत् । पौतु॑द्रवाः । परि॒धय॑ इति परि-धयः॑ ।

इति॑ ॥ 44 (44) (वि॒त्त्वा – दे॒वय॑त – ए॒षा – म॒ब्रुव॑न् – या॒नि –
चतु॑श्चत्वारि॒ंशच्च॑) (A8)

TS 6.2.9.1

ब॒द्धम॑व स्यति वरुणपाशादे॒वैने॑ मुञ्चति॑ प्र णे॒नेक्ति॑ मे॒द्ध्ये॑ ए॒वैने॑
करोति॑ सावि॒त्रिय॑र्चा हु॒त्वा ह॒विर्द्धाने॑ प्र वर्तयति॑ स॒वितृ॑प्रसूत ए॒वैने॑
प्र वर्तयति॑ वरु॒णो वा ए॒ष दु॒र्वागु॑भयतो ब॒द्धो यदक्षः॑ स
यदु॒थ्सर्जे॑द्-यज॑मानस्य गृ॒हा-न॒भ्युथ्स॑र्जेथ् सु॒वाग् दे॒व दुर्या॑ꣳ
आ वदे॒त्याह॑ गृ॒हा वै दुर्याः॑ शान्त्यै॑ प॒न्यु- [] 45

TS 6.2.9.1 - Padam

ब॒द्धम् । अवे॑ति । स्य॒ति । वरु॒णपा॑शादि॒ति वरु॒ण – पा॑शात् । ए॒व ।
ए॒ने इति॑ । मु॒ञ्चति॑ । प्रेति॑ । ने॒नेक्ति॑ । मे॒द्ध्ये॑ इति॑ । ए॒व । ए॒ने इति॑ ।
करो॒ति । सा॒वि॒त्रिया॑ । ऋ॒चा । हु॒त्वा । ह॒विर्द्धाने॑ इति॑ ह॒विः-धा॑ने ।
प्रेति॑ । वर्त॒यति॑ । स॒वि॒तृप्र॑सूत इति॑ स॒वि॒तृ – प्र॑सूतः । ए॒व ।
ए॒ने इति॑ । प्रेति॑ । वर्त॒यति॑ । वरु॒णः । वै । ए॒षः ।

दु॒र्वा॒गिति॑ दुः – वाक् । उ॒भय॑तः । ब॒द्धः । यत् । अक्षः । सः ।
यत् । उ॒थ्स॑र्जे॒दित्यु॑त् – स॒र्जेत् । यज॑मानस्य । गृ॒हान् ।
अ॒भ्यु॒थ्स॑र्जे॒दित्य॑भि – उ॒थ्स॑र्जेत् । सु॒वा॒गिति॑ सु – वाक् । दे॒व ।
दु॒र्यान् । ए॒ति । व॒द । इ॒ति । आ॒ह । गृ॒हाः । वै । दु॒र्याः । शा॒न्त्यै ।
प॒त्नी । 45 (50)

TS 6.2.9.2

–पा॒नक्ति॑ प॒त्नी हि॑ स॒र्वस्य॑ मि॒त्रं मि॒त्रत्वा॑य॒ यद्–वै॑ प॒त्नी य॒ज्ञस्य॑ क॒रोति॑
मि॒थुनं॑ तदथो प॒त्निया॑ ए॒वैष॑ य॒ज्ञस्या॑–न्वा॒रंभो॑ऽन॒वच्छि॑त्यै॒ वर्त्म॑ना॒ वा
अ॒न्वित्य॑ य॒ज्ञं र॒क्षां॑सि जिघां॑सन्ति॒ वैष्ण॑वीभ्या॒मृग्भ्यां॑ व॒र्त्मनो॑
जु॒होति॑ य॒ज्ञो वै वि॒ष्णुर्य॒ज्ञादे॒व र॒क्षां॑स्यप॒ हन्ति॑ यद॒ध्वर्यु॑–र॒नग्ना–
वा॒हुतिं॑ जुहु॒या–द॒न्धोऽध्व॑र्युः स्याद्–र॒क्षां॑सि य॒ज्ञं ह॒न्युर्– [] 46

TS 6.2.9.2 - Padam

उ॒पेति॑ । अ॒नक्ति॑ । प॒त्नी । हि । स॒र्वस्य॑ । मि॒त्रम् । मि॒त्रत्वा॑येति॒
मि॒त्र – त्वा॑य । यत् । वै । प॒त्नी । य॒ज्ञस्य॑ । क॒रोति॑ । मि॒थुन॑म् ।

तत् । अथो॒ इति॑ । प॒त्नियाः॑ । ए॒व । ए॒षः । य॒ज्ञस्य॑ । अ॒न्वा॒रं॒भ
 इत्य॑नु – आ॒रं॒भः । अ॒न॒व॒च्छि॒त्या॒ इत्य॑न॒व – छि॒त्यै । व॒र्त्म॑ना ।
 वै । अ॒न्वि॒त्ये॒त्यनु॑ – इत्य॑ । य॒ज्ञम् । र॒क्षा॒ँसि॑ । जि॒घा॒ँस॒न्ति॑ ।
 वै॒ष्ण॒वी॒भ्याम्॑ । ऋ॒ग्भ्या॑मि॒त्यृक्-भ्याम्॑ । व॒र्त्म॑नोः । जु॒होति॑ । य॒ज्ञः ।
 वै । वि॒ष्णुः॑ । य॒ज्ञात् । ए॒व । र॒क्षा॒ँसि॑ । अ॒पेति॑ । ह॒न्ति॑ । यत् ।
 अ॒ध्व॒र्युः॑ । अ॒न॒ग्नौ॑ । आ॒हु॒ति॒मि॒त्या – हु॒तिम्॑ । जु॒हु॒यात् । अ॒न्धः॑ ।
 अ॒ध्व॒र्युः॑ । स्या॒त् । र॒क्षा॒ँसि॑ । य॒ज्ञम् । ह॒न्युः॑ । 46 (50)

TS 6.2.9.3

–हि॒र॒ण्य॒मु॒पा॒स्य जु॑होत्य॒ग्नि॒व॒त्ये॒व जु॑होति॒ नान्धो॑ ऽध्व॒र्यु॒र्भ॒वति॑ न
 य॒ज्ञँ र॒क्षा॒ँसि॑ घ्नन्ति॒ प्रा॒ची प्रे॑त॒म॒ध्व॒रं क॒ल्प॒य॒न्ती॑ इत्या॒ह
 सु॒व॒र्ग॒मे॒वैने॑ लो॒कं ग॑म॒य॒त्य॒त्र र॑मे॒थां व॑र्ष॒न् पृ॒थि॒व्या इत्या॑ह व॒र्ष
 ह्ये॒तत् पृ॒थि॒व्या यद् दे॒व॒य॒ज॒नँ शि॒रो वा ए॒तद्-य॒ज्ञस्य॑ यद्ध॒वि॒र्द्धानं॑
 दि॒वो वा वि॒ष्णवु॑त वा पृ॒थि॒व्या- [] 47

TS 6.2.9.3 - Padam

हिरण्यम् । उपास्येत्युप – अस्य । जुहोति । अग्निवतीत्यग्नि-वति ।
 एव । जुहोति । न । अन्धः । अद्ध्वर्युः । भवति । न । यज्ञम् ।
 रक्षाञ्सि । घ्नन्ति । प्राची इति । प्रेति । इतम् । अद्ध्वरम् ।
 कल्पयन्ती इति । इति । आह । सुवर्गमिति सुवः – गम् । एव ।
 एने इति । लोकम् । गमयति । अत्र । रमेथाम् । वर्ष्मन् । पृथिव्याः ।
 इति । आह । वर्ष्म । हि । एतत् । पृथिव्याः । यत् । देवयजनमिति
 देव – यजनम् । शिरः । वै । एतत् । यज्ञस्य । यत् । हविर्द्धानमिति
 हविः-॥ धानम् । दिवः । वा । विष्णो । उत । वा । पृथिव्याः । 47 (50)

TS 6.2.9.4

इत्याशीर्षदयर्चा दक्षिणस्य हविर्द्धानस्य मेथीं नि हन्ति शीर्षत
 एव यज्ञस्य यजमान आशिषो ऽव रुन्धे दण्डो वा औपरस्तृतीयस्य
 हविर्द्धानस्य वषट्कारे-णाक्ष-मच्छिनद्-यत्-तृतीयं छदिर्.
 हविर्द्धानयो-रुदाह्रियते तृतीयस्य हविर्द्धानस्यावरुद्ध्यै शिरो वा
 एतद्-यज्ञस्य यद्धविर्द्धानं विष्णो रराटमसि विष्णोः पृष्ठमसीत्याह

तस्मा॑दे॒ताव॒द्धा शि॒रो वि॒ष्यूतं॑ वि॒ष्णोः॑ () स्यू॒रसि॑
वि॒ष्णो॑ ध्रु॒वम॒सीत्या॑ह वै॒ष्णव॑ꣳ हि दे॒वत॑या ह॒विर्द्धानं॑ यं प्र॒थमं॑
ग्रन्थिं॑ ग्र॒थ्नीयाद्-यत् तं न वि॒स्रꣳस॒येद॑मे॒हेना॑ध्व॒र्युः प्र मी॑येत
तस्मा॑त् स वि॒स्रस्यः॑ ॥ 48

TS 6.2.9.4 - Padam

इति॑ । आ॒शीर्ष॑दयेत्या॒शीः – प॒दया॑ । ऋ॒चा । दक्षि॑णस्य ।
ह॒विर्द्धान॑स्येति ह॒विः – धान॑स्य । मे॒थीम् । नीति॑ । ह॒न्ति ।
शीर्॒षतः॑ । ए॒व । य॒ज्ञस्य॑ । यज॑मानः । आ॒शिष॑ इत्या॒ – शिषः॑ ।
अवे॑ति । रु॒न्धे । दण्डः॑ । वै । औ॒परः॑ । तृ॒तीय॑स्य ।
ह॒विर्द्धान॑स्येति ह॒विः – धान॑स्य । व॒षट्का॒रेणेति॑ व॒षट् – का॒रेण॑ ।
अक्ष॑म् । अ॒च्छि॒नत् । यत् । तृ॒तीय॑म् । छ॒दिः । ह॒विर्द्धान॑यो॒रिति॑
ह॒विः-धान॑योः । उ॒दा॒ह्रिय॑त इत्युत् – आ॒ह्रिय॑ते । तृ॒तीय॑स्य ।
ह॒विर्द्धान॑स्येति ह॒विः – धान॑स्य । अ॒वरु॑द्ध्य॒ इत्य॑व – रु॒द्ध्यै ।
शि॒रः । वै । ए॒तत् । य॒ज्ञस्य॑ । यत् । ह॒विर्द्धान॑मि॒ति ह॒विः-धान॑म् ।

विष्णोः॑ । ररा॑टम् । अ॒सि॒ । विष्णोः॑ । पृ॒ष्ठम् । अ॒सि॒ । इति॑ । आ॒ह॒ ।

तस्मा॑त् । ए॒ता॒व॒द्धेत्ये॑तावत् – धा॑ । शि॒रः॑ ।

वि॒ष्यू॒तमि॒ति॒ वि॒ – स्यू॒तम् । विष्णोः॑ () । स्यूः॑ । अ॒सि॒ । विष्णोः॑ ।

ध्रु॒वम् । अ॒सि॒ । इति॑ । आ॒ह॒ । वैष्ण॑वम् । हि॑ । दे॒वत॑या ।

ह॒वि॒र्द्धान॑मि॒ति॒ ह॒विः॑ – धान॑म् । यम् । प्र॒थ॒मम् । ग्र॒न्थि॑म् ।

ग्र॒न्थी॒यात् । यत् । तम् । न । वि॒स्र॒ञ्सये॑दिति॒ वि॒ – स्र॒ञ्सये॑त् ।

अमे॑हेन । अ॒ध्व॒र्युः॑ । प्रेति॑ । मी॒येत॑ । तस्मा॑त् । सः॑ ।

वि॒स्रस्य॑ इति॒ वि॒-स्रस्यः॑ ॥ 48 (76) (प॒त्नी॑ – ह॒न्यु-र्वा॑ पृ॒थि॒व्या-

वि॒ष्यू॒तं वि॒ष्णोः॑-षड्वि॑ञ्शतिश्च) (A9)

TS 6.2.10.1

दे॒वस्य॑ त्वा स॒वि॒तुः॑ प्र॒स॒व इत्य॑भि॒मा द॑त्ते प्र॒सू॒त्या

अ॒श्विनो॑ ब॒र्हुभ्या॑मि॒त्याहा॑श्विनौ हि दे॒वाना॑म॒ध्व॒र्यू आ॑स्तां पू॒ष्णो

ह॒स्ताभ्या॑मि॒त्याह॑ य॒त्यै व॑ज्र इ॒व वा॑ ए॒षा यद॑भिर॒भिर॑सि ना॒रि॒रसी॑त्याह॒

शान्त्यै॑ का॒ण्डेका॑ण्डे वै क्रि॒यमा॑णे य॒ज्ञञ् र॑क्षाञ्सि जिघाञ्॑सन्ति

परि॑लिखि॒तञ् र॑क्षः परि॑लिखि॒ता अ॑रा॒तय॑ इत्या॒ह र॑क्ष॒साम॑प॒हत्या॑-[]

TS 6.2.10.1 - Padam

दे॒वस्य॑ । त्वा । स॒वि॒तुः । प्र॒स॒व इति॑ प्र - स॒वे । इति॑ । अ॒भि॒म् ।
एति॑ । द॒त्ते । प्र॒सू॒त्या इति॑ प्र - सू॒त्यै । अ॒श्वि॒नोः । बा॒हु॒भ्यामि॑ति
बा॒हु-भ्या॑म् । इति॑ । आ॒ह । अ॒श्वि॒नौ । हि । दे॒वा॒नाम् ।
अ॒ध्व॒र्यू इति॑ । आ॒स्ताम् । पू॒ष्णः । ह॒स्ता॒भ्याम् । इति॑ । आ॒ह ।
य॒त्यै । व॒ज्रः । इ॒व । वै । ए॒षा । यत् । अ॒भिः । अ॒भिः । अ॒सि ।
ना॒रिः । अ॒सि । इति॑ । आ॒ह । शान्त्यै॑ । का॒ण्डे॒काण्ड॑ इति॑
का॒ण्डे॑ - का॒ण्डे॑ । वै । क्रि॒य॒मा॒णे । य॒ज्ञम् । र॒क्षाञ्॑सि ।
जि॒घाञ्॑सन्ति । परि॑लि॒खित॑मि॒ति परि॑ - लि॒खित॑म् । र॒क्षः ।
परि॑लि॒खिता॑ इति॑ परि॑ - लि॒खिताः॑ । अ॒रा॒तयः॑ । इति॑ । आ॒ह ।
र॒क्ष॒साम् । अ॒प॒ह॒त्या इत्य॑प - ह॒त्यै । 49 (50)

TS 6.2.10.2

इ॒दम॒हञ् र॒क्ष॒सो ग्री॒वा अ॒पि कृ॑न्ता॒मि यौ ऽस्मा॑न् द्वेष्टि॑ यं च॑ व॒यं
द्वि॒ष्म इत्या॑ह॒ द्वौ वा॒व पु॒रु॒षौ यं चै॒व द्वेष्टि॑ यश्चै॒नं द्वेष्टि॑ तयो॒रे॒वा-

नन्तरायं ग्रीवाः कृन्तति दिवे त्वा अन्तरिक्षाय त्वा पृथिव्यै त्वेत्याहैभ्य
एवैनां लोकेभ्यः प्रोक्षति परस्तादर्वाचीं प्रोक्षति तस्मात्- [] 50

TS 6.2.10.2 - Padam

इदम् । अहम् । रक्षसः । ग्रीवाः । अपीति । कृन्तामि । यः ।
अस्मान् । द्वेष्टि । यम् । च । वयम् । द्विष्मः । इति । आह । द्वौ ।
वाव । पुरुषौ । यम् । च । एव । द्वेष्टि । यः । च । एनम् । द्वेष्टि ।
तयोः । एव । अनन्तरायमित्यनन्तः - आयम् । ग्रीवाः । कृन्तति ।
दिवे । त्वा । अन्तरिक्षाय । त्वा । पृथिव्यै । त्वा । इति । आह ।
एभ्यः । एव । एनाम् । लोकेभ्यः । प्रेति । उक्षति । परस्तात् ।
अर्वाचीम् । प्रेति । उक्षति । तस्मात् । 50 (50)

TS 6.2.10.3

परस्तादर्वाचीं मनुष्या ऊर्जमुप जीवन्ति क्रूरमिव वा एतत् करोति
यत् खनत्यपो ऽव नयति शान्त्यै यवमतीरव नयत्यूर्ग्वै यव
ऊर्गुदुंबर ऊर्जैवोर्जं समर्द्धयति यजमानेन सम्मितौदुंबरी भवति

या॒वा॒ने॒व॒ य॒ज॒मा॒न॒स्ता॒व॒ती॒-मे॒वा॒स्मि॒-न्नू॒र्जं॑ द॒धा॒ति॒ पि॒तृ॒णा॒ꣳ
स॒द॒न॒म॒सी॒ति॒ ब॒र्हि॒र॒व॒ स्तृ॒णा॒ति॒ पि॒तृ॒दे॒व॒त्या॑(१)ꣳ- [] 51

TS 6.2.10.3 - Padam

प॒र॒स्ता॒त् । अ॒र्वा॒ची॒म् । म॒नु॒ष्याः॑ । ऊ॒र्ज॒म् । उ॒पे॒ति॑ । जी॒व॒न्ति॑ ।
क्रू॒र॒म् । इ॒व॒ । वै । ए॒त॒त् । क॒रो॒ति॑ । य॒त् । ख॒न॒ति॑ । अ॒पः॑ । अ॒वे॒ति॑ ।
न॒य॒ति॑ । शान्त्यै॑ । य॒व॒म॒ती॒रि॒ति॑ य॒व॒ - म॒तीः॑ । अ॒वे॒ति॑ । न॒य॒ति॑ ।
ऊ॒र्क् । वै । य॒वः॑ । ऊ॒र्क् । उ॒दु॒म्ब॒रः॑ । ऊ॒र्जा॑ । ए॒व॒ । ऊ॒र्ज॒म् ।
स॒मि॒ति॑ । अ॒र्द्ध॒य॒ति॑ । य॒ज॒मा॒ने॒न॒ । स॒म्मि॒ते॒ति॒ सं - मि॒ता॑ ।
औ॒दु॒म्ब॒री॑ । भ॒व॒ति॑ । या॒वा॒न् । ए॒व॒ । य॒ज॒मा॒नः॑ । ता॒व॒ती॒म् । ए॒व॒ ।
अ॒स्मि॒न् । ऊ॒र्ज॒म् । द॒धा॒ति॑ । पि॒तृ॒णा॒म् । स॒द॒न॒म् । अ॒सि॑ । इ॒ति॑ ।
ब॒र्हिः॑ । अ॒वे॒ति॑ । स्तृ॒णा॒ति॑ ।
पि॒तृ॒दे॒व॒त्य॒मि॒ति॑ पि॒तृ॒ - दे॒व॒त्य॒म् । 51 (50)

TS 6.2.10.4

ह्ये॒त॒द्-य॒न्नि॒खा॒तं॑ य॒द्-ब॒र्हि॒र॒न॒व॒स्ती॒र्य॑ मि॒नु॒या॒त् पि॒तृ॒दे॒व॒त्या॑
नि॒खा॒ता॑ स्या॒द्-ब॒र्हि॒र॒न॒व॒स्ती॒र्य॑ मि॒नो॒त्य॒स्या॒मे॒वै॒नां॑ मि॒नो॒त्य॒थो॑

स्वारु॒हमे॒वैनां॑ करो॒त्युद्-दिव॑ स्त॒भानाऽऽ *न्तरि॑क्षं पृ॒णेत्या॑हैषां
 लो॒कानां॑ वि॒धृत्यै॑ द्यु॒तान॑स्त्वा मा॒रुतो॑ मि॒नोत्वित्या॑ह द्यु॒तानो॑ ह
 स्म वै मा॒रुतो॑ दे॒वानामौ॑दु॒ंबरीं॑ मि॒नोति॑ तेनै॒वै- [] 52

TS 6.2.10.4 - Padam

हि । ए॒तत् । यत् । नि॒खात॑मि॒ति नि - खा॒तम् । यत् । ब॒र्हिः ।
 अ॒न॒व॒स्तीर्ये॑त्य॒न॒व-स्तीर्य॑ । मि॒नुयात् । पि॒तृदे॒वत्ये॑ति॒ पितृ - दे॒वत्या॑ ।
 नि॒खाते॑ति॒ नि - खा॒ता । स्यात् । ब॒र्हिः । अ॒व॒स्तीर्ये॑त्य॒व- स्तीर्य॑ ।
 मि॒नोति॑ । अ॒स्याम् । ए॒व । ए॒नाम् । मि॒नोति॑ । अथो॒ इति॑ ।
 स्वा॒रुह॑मि॒ति स्व-रु॒हम् । ए॒व । ए॒नाम् । क॒रोति॑ । उ॒दि॒ति । दि॒वम् ।
 स्त॒भान॑ । ए॒ति । अ॒न्तरि॑क्षम् । पृ॒ण । इति॑ । आ॒ह । ए॒षाम् ।
 लो॒काना॑म् । वि॒धृत्या॑ इति॒ वि - धृ॒त्यै । द्यु॒तानः॑ । त्वा । मा॒रुतः॑ ।
 मि॒नो॒तु । इति॑ । आ॒ह । द्यु॒तानः॑ । ह । स्म । वै । मा॒रुतः॑ ।
 दे॒वाना॑म् । औ॒दु॒ंबरी॑म् । मि॒नोति॑ । तेन॑ । ए॒व । 52 (50)

TS 6.2.10.5

–नां॑ मि॒नोति॑ ब्र॒ह्म॒वनिं॑ त्वा क्ष॒त्र॒वनि॑मि॒त्याह॑ यथा॒यजु॑रे॒वैतद् घृ॒तेन॑
द्या॒वापृ॑थि॒वी आ पृ॑णे॒थामि॒त्यौदु॑ंब॒र्या जु॒होति॑ द्या॒वापृ॑थि॒वी ए॒व
र॒से॒नान॑क॒त्या–न्त॑म॒न्व–व॒स्राव॑य॒त्यान्त॑मे॒व यज॑मानं तेज॒सा
ऽन॑क्त्यै॒न्द्रम॑सीति॒ छदि॑रधि॒ नि द॑धात्यै॒न्द्रं हि दे॒वत॑या॒ सदो॑
वि॒श्वज॒नस्य॑ छा॒येत्या॑ह वि॒श्वज॒नस्य॑ ह्येषा छा॒या यथ् स॒दो
न॒वछ॑दि– [] 53

TS 6.2.10.5 - Padam

ए॒नाम् । मि॒नोति॑ । ब्र॒ह्म॒वनि॑मि॒ति ब्र॒ह्म – वनि॑म् । त्वा । क्ष॒त्र॒वनि॑मि॒ति
क्ष॒त्र – वनि॑म् । इति॑ । आ॒ह । यथा॒यजु॑रिति॒ यथा – यजुः॑ । ए॒व ।
ए॒तत् । घृ॒तेन॑ । द्या॒वापृ॑थि॒वी इति॑ द्या॒वा–पृ॑थि॒वी । एति॑ । पृ॒णे॒थाम् ।
इति॑ । औदु॑ंब॒र्याम् । जु॒होति॑ । द्या॒वापृ॑थि॒वी इति॑ द्या॒वा – पृ॑थि॒वी ।
ए॒व । र॒से॒न । अ॒नक्ति॑ । आ॒न्तमि॒त्या – अ॒न्तम् ।
अ॒न्वव॑स्राव॒यतीत्य॑नु – अ॒वस्रा॑व॒यति॑ । आ॒न्तमि॒त्या–अ॒न्तम् । ए॒व ।
यज॑मानम् । तेज॒सा । अ॒नक्ति॑ । ऐ॒न्द्रम् । अ॒सि । इति॑ । छ॒दिः ।

अधि॑ । नीति॑ । द॒धाति॑ । ऐ॒न्द्रम् । हि॑ । दे॒वतया॑ । सदः॑ ।

वि॒श्व॒जन॒स्येति॑ वि॒श्व – जन॒स्य । छा॒या । इति॑ । आ॒ह ।

वि॒श्व॒जन॒स्येति॑ वि॒श्व – जन॒स्य । हि॑ । ए॒षा । छा॒या । यत् । सदः॑ ।

नव॑छदीति॑ नव॑ – छ॒दि । 53 (50)

TS 6.2.10.6

तेज॑स्का॒मस्य॑ मि॒नुयात्॑ त्रि॒वृता॑ स्तो॒मेन॑ स॒म्मितं॑ तेज॑स्त्रि॒वृत् तेज॑स्यै॒व
भव॑-त्येका॒दश॑-छदी॒न्द्रिय॑का॒म-स्यै॒काद॑शाक्षरा त्रि॒ष्टुगि॑न्द्रि॒यं
त्रि॒ष्टुगि॑न्द्रि॒याव्यै॒व भव॑ति पञ्च॒दश॑छ॒दि भ्रातृ॑व्यवतः पञ्च॒दशो॑ वज्रो
भ्रातृ॑व्याभि॒भूत्यै॑ सप्त॒दश॑छ॒दि प्र॒जाका॑मस्य सप्त॒दशः॑ प्र॒जाप॑तिः
प्र॒जाप॑ते॒राप्त्या॑ एक॒विंश॑ति॒छदि॑ प्रति॒ष्ठाका॑म-स्यै॒कविं॑शः स्तो॒मानां॑
प्रति॒ष्ठा प्रति॑ष्ठित्या उ॒दरं॑ वै सद॒ ऊर्गु॑दु॒ंबरो॑ मद्ध्य॒त औ॑दु॒ंबरीं॑ मि॒नोति॑
मद्ध्य॒त ए॒व प्र॒जाना॑मूर्जं॑ द॒धाति॑ तस्मा॑न्- [] 54

TS 6.2.10.6 - Padam

तेज॑स्का॒मस्येति॑ तेजः॑ – का॒मस्य॑ । मि॒नुयात्॑ । त्रि॒वृतेति॑ त्रि॒-वृ॒ता ।
स्तो॒मेन॑ । स॒म्मित॑मि॒ति सं – मि॒तम् । तेजः॑ । त्रि॒वृदि॑ति॑ त्रि॒-वृ॒त् ।

ते॒ज॒स्वी । ए॒व । भ॒व॒ति । ए॒का॒द॒श॒छ॒दी॒त्ये॒का॒द॒श – छ॒दि ।
 इ॒न्द्रि॒य॒का॒म॒स्ये॒ती॒न्द्रि॒य – का॒म॒स्य । ए॒का॒द॒शा॒क्ष॒रे॒त्ये॒का॒द॒श – अ॒क्ष॒रा ।
 त्रि॒ष्टुक् । इ॒न्द्रि॒यम् । त्रि॒ष्टुक् । इ॒न्द्रि॒या॒वी । ए॒व । भ॒व॒ति ।
 प॒ञ्च॒द॒श॒छ॒दी॒ति प॒ञ्च॒द॒श – छ॒दि । भ्रा॒तृ॒व्य॒व॒त इति॑ भ्रा॒तृ॒व्य – व॒तः ।
 प॒ञ्च॒द॒श इति॑ प॒ञ्च – द॒शः । व॒ज्रः । भ्रा॒तृ॒व्या॒भि॒भू॒त्या इति॑
 भ्रा॒तृ॒व्य – अ॒भि॒भू॒त्यै । स॒प्त॒द॒श॒छ॒दी॒ति स॒प्त॒द॒श – छ॒दि ।
 प्र॒जा॒का॒म॒स्ये॒ति प्र॒जा – का॒म॒स्य । स॒प्त॒द॒श इति॑ स॒प्त – द॒शः ।
 प्र॒जा॒प॒ति॒रिति॑ प्र॒जा – प॒तिः । प्र॒जा॒प॒ते॒रिति॑ प्र॒जा – प॒तेः ।
 आ॒प्त्यै ॥ ए॒क॒वि॒ंश॒ति॒छ॒दी॒त्ये॒क॒वि॒ंश॒ति – छ॒दि ।
 प्र॒ति॒ष्ठा॒का॒म॒स्ये॒ति प्र॒ति॒ष्ठा – का॒म॒स्य । ए॒क॒वि॒ंश इत्ये॑क॒ – वि॒ंशः ।
 स्तो॒मा॒नां । प्र॒ति॒ष्ठेति॑ प्र॒ति – स्था । प्र॒ति॒ष्ठि॒त्या इति॑ प्र॒ति – स्थि॒त्यै ।
 उ॒द॒रम् ॥ वै । स॒दः । ऊ॒र्क् । उ॒दु॒म्बरः । म॒द्ध्य॒तः । औ॒दु॒म्बरी॑म् ।
 मि॒नो॒ति । म॒द्ध्य॒तः । ए॒व । प्र॒जा॒ना॒मिति॑ प्र – जा॒ना॒म् ॥ ऊ॒र्ज॑म् ।
 द॒धा॒ति ॥ तस्मा॑त् । 54 (50)

TS 6.2.10.7

मद्ध्यत ऊर्जा भुञ्जते यजमानलोके वै दक्षिणानि छदीष्णि
 भ्रातृव्यलोक उत्तराणि दक्षिणान्युत्तराणि करोति यजमान-मेवा-
 यजमानादुत्तरं करोति तस्माद् यजमानोऽयजमानादुत्तरोऽन्तर्वर्तान्
 करोति व्यावृत्त्यै तस्मादरण्यं प्रजा उप जीवन्ति परि त्वा गिर्वणो
 गिर इत्याह यथायजुरेवैतदिन्द्रस्य स्यूरसीन्द्रस्य ध्रुवमसीत्याहैन्द्र
 हि देवतया सदो () यं प्रथमं ग्रन्थिं ग्रथनीयाद्-यत् तं न
 विस्रंसये-दमेहेनाद्ध्वर्युः प्र मीयेत तस्मात् स विस्रस्यः ॥ 55

TS 6.2.10.7 - Padam

मद्ध्यतः । ऊर्जा । भुञ्जते । यजमानलोक इति यजमान – लोके ।
 वै । दक्षिणानि । छदीष्णि । भ्रातृव्यलोक इति भ्रातृव्य – लोके ।
 उत्तराणीत्युत् – तराणि । दक्षिणानि । उत्तराणीत्युत् – तराणि ।
 करोति । यजमानम् । एव । अयजमानात् । उत्तरमित्युत् – तरम् ।
 करोति । तस्मात् । यजमानः । अयजमानात् । उत्तर इत्युत् – तरः ।
 अन्तर्वर्तानित्यन्तः – वर्तान् । करोति । व्यावृत्त्या इति वि-आवृत्त्यै ।

तस्मात् । अरण्यम् । प्रजा इति प्र – जाः । उपेति । जीवन्ति ।
 परीति । त्वा । गिर्वणः । गिरः । इति । आह । यथायजुरिति
 यथा – यजुः । एव । एतत् । इन्द्रस्य । स्यूः । असि । इन्द्रस्य ।
 ध्रुवम् । असि । इति । आह । ऐन्द्रम् । हि । देवतया । सदः () ।

यम् । प्रथमम् । ग्रन्थिम् । ग्रथनीयात् । यत् । तम् । न ।

विस्रञ्सयेदिति वि – स्रञ्सयेत् । अमेहेन । अद्ध्वर्युः । प्रेति ।

मीयेत । तस्मात् । सः । विस्रस्य इति वि – स्रस्यः ॥ 55 (65)

(अपहत्यै – तस्मात् – पितृदेवत्यं – तेनैव – नवच्छदि – तस्मात्
 – सदः – पञ्चदश च) (A10)

TS 6.2.11.1

शिरो वा एतद्-यज्ञस्य यद्धविर्धानं प्राणा उपरवा हविर्धाने
 खायन्ते तस्माच्छीर्षन् प्राणा अधस्तात् खायन्ते
 तस्मादधस्ताच्छीर्ष्णः प्राणा रक्षोहणो वलगहनो वैष्णवान्
 खनामीत्याह वैष्णवा हि देवतयोपरवा असुरा वै निर्यन्तो देवानां

प्रा॒णेषु॑ व॒लगान् न्य॒खनन् तान् बा॒हुमा॒त्रे ऽन्व॑वि॒न्दन् तस्मा॑द् बा॒हुमा॒त्राः
खा॒यन्त इ॒दम॒हं तं व॑लग॒मुद्-व॑पामि- [] 56

TS 6.2.11.1 - Padam

शि॒रः । वै । ए॒तत् । य॒ज्ञस्य॑ । यत् । ह॒विर्द्धान॑मि॒ति ह॒विः-धा॑नम् ।
प्रा॒णा इति॑ प्र - अ॒नाः । उ॒पर॒वा इत्यु॑प - र॒वाः । ह॒विर्द्धान॑ इति॑
ह॒विः-धा॑ने॒ । खा॒यन्ते॑ । तस्मा॑त् । शी॒र्षन् । प्रा॒णा इति॑ प्र-अ॒नाः ।
अ॒धस्ता॑त् । खा॒यन्ते॑ । तस्मा॑त् । अ॒धस्ता॑त् । शी॒र्ष्णः । प्रा॒णा इति॑
प्र-अ॒नाः । र॒क्षो॒हण॑ इति॑ र॒क्षः-ह॑नः । व॒लग॒हन॑ इति॑ व॒लग॒-ह॑नः ।
वै॒ष्णवा॑न् । ख॒नामि॑ । इति॑ । आ॒ह । वै॒ष्णवाः । हि । दे॒वत॑या ।
उ॒पर॒वा इत्यु॑प - र॒वाः । अ॒सुराः । वै । नि॒र्यन्त॑ इति॑ निः - य॒न्तः ।
दे॒वाना॑म् । प्रा॒णेष्वि॑ति प्र - अ॒नेषु॑ । व॒लगानि॑ति व॒लग॒-गा॑न् । नी॒ति ।
अ॒खन॑न् । तान् । बा॒हुमा॒त्र इति॑ बा॒हु-मा॒त्रे । अ॒न्वि॑ति । अ॒वि॒न्दन् ।
तस्मा॑त् । बा॒हुमा॒त्रा इति॑ बा॒हु - मा॒त्राः । खा॒यन्ते॑ । इ॒दम् । अ॒हम् ।
तम् । व॒लग॑मि॒ति व॒ल - ग॑म् । उ॒दि॑ति । व॒पामि॑ । 56 (50)

TS 6.2.11.2

यं नः॑ समा॒नो य-म॑स॒मानो नि॒च॒खाने॑त्याह॒ द्वौ वाव॑ पु॒रुषौ॑
यश्चै॒व समा॒नो यश्चा॑स॒मानो यमे॒वास्मै॑ तौ व॒लगं नि॒खन॑तस्तमे॒वोद्-
व॒पति॑ सं तृ॒णति॑ तस्मा॒त् सन्तृ॑ण्णा अन्त॒रतः॑ प्रा॒णा न सं भि॑नति
तस्मा॒दसं॑भिन्नाः प्रा॒णा अ॒पो ऽव॑ नयति॒ तस्मा॑दा॒र्द्रा अन्त॒रतः॑ प्रा॒णा
यव॑मती॒रव॑ नय- [] 57

TS 6.2.11.2 - Padam

यम् । नः । समा॒नः । यम् । अस॒मानः । नि॒च॒खाने॑ति नि-च॒खान॑ ।
इति॑ । आ॒ह । द्वौ । वाव॑ । पु॒रुषौ॑ । यः । च॒ । ए॒व । समा॒नः । यः ।
च॒ । अस॒मानः । यम् । ए॒व । अ॒स्मै । तौ । व॒लग॑मिति॒ वल॑ - गम् ।
नि॒खन॑त इति॑ नि - खनतः । तम् । ए॒व । उ॒दि॒ति । व॒पति॑ । समि॒ति ।
तृ॒णति॑ । तस्मा॒त् । सन्तृ॑ण्णा इति॑ सं - तृ॒ण्णाः । अन्त॒रतः॑ ।
प्रा॒णा इति॑ प्र - अ॒नाः । न । समि॒ति । भि॑नति । तस्मा॒त् ।
असं॑भिन्ना इत्यसं - भिन्नाः । प्रा॒णा इति॑ प्र - अ॒नाः । अ॒पः ।
अवे॑ति । नय॒ति । तस्मा॒त् । आ॒र्द्राः । अन्त॒रतः॑ ।

प्रा॒णा इति॑ प्र – अ॒नाः । यव॑मती॒रिति॑ यव – म॒तीः । अवे॑ति ।

नय॑ति । 57 (50)

TS 6.2.11.3

–त्यूर्ग्वै॑ यवः प्रा॒णा उप॑रवाः प्रा॒णेष्वेवोर्जं॑ दधाति॒ बर्हि॑रव॒ स्तृणा॑ति
तस्मा॑ल्लोम॒शा अ॑न्तरतः प्रा॒णा आज्ये॑न॒ व्याघा॑रयति॒ तेजो॑ वा आज्यं॑
प्रा॒णा उप॑रवाः प्रा॒णेष्वेव॑ तेजो॑ दधाति॒ हनू॑ वा ए॒ते य॒ज्ञस्य॑
यदधि॑षवणे॒ न सं तृ॑ण॒त्यसन्तृ॑ण्णे हि हनू॑ अथो॒ खलु॑ दी॒र्घसो॑मे
संतृ॑द्ये धृत्यै॒ शिरो॑ वा ए॒तद्–य॒ज्ञस्य॑ यद्ध॒विर्द॑धानं– [] 58

TS 6.2.11.3 - Padam

ऊ॒र्क् । वै । यवः॑ । प्रा॒णा इति॑ प्र – अ॒नाः । उप॑रवा इत्युप–रवाः ।
प्रा॒णेष्विति॑ प्र – अ॒नेषु॑ । ए॒व । ऊ॒र्जम् । द॒धाति॑ । बर्हिः॑ । अवे॑ति ।
स्तृ॒णाति॑ । तस्मा॑त् । लोम॒शाः । अ॑न्तरतः । प्रा॒णा इति॑ प्र – अ॒नाः ।
आज्ये॑न । व्याघा॑रयतीति वि – आघा॑रयति । तेजः॑ । वै । आज्यम्॑ ।
प्रा॒णा इति॑ प्र – अ॒नाः । उप॑रवा इत्युप – रवाः । प्रा॒णेष्विति॑
प्र – अ॒नेषु॑ । ए॒व । तेजः॑ । द॒धाति॑ । हनू॑ इति॑ । वै । ए॒ते इति॑ ।
य॒ज्ञस्य॑ । यत् । अ॒धिष॑वणे इत्यधि–सवने । न । समि॑ति । तृ॒णन्ति॑ ।

अ॒स॒न्तृ॒ण्णे॑ इत्य॒सं॑ – तृ॒ण्णे॑ । हि॒ । ह॒नू॒ इति॑ । अथो॒ इति॑ । ख॒लु॒ ।
 दी॒र्घ॒सोम॑ इति॑ दी॒र्घ – सो॒मे॒ । स॒न्तृ॒द्ये॑ इति॑ सं-तृ॒द्ये॑ । धृ॒त्यै॑ । शि॒रः॑ ।
 वै । ए॒तत् । य॒ज्ञस्य॑ । यत् । ह॒वि॒र्द्धान॑मि॒ति॑ ह॒विः-धा॒नम्॑ । 58 (50)

TS 6.2.11.4

प्रा॒णा उप॒रवा॑ ह॒नू॒ अधि॑षवणे जि॒ह्वा च॒र्म ग्रा॒वा॒णो द॒न्ता
 मु॒खमा॑ह॒वनी॒यो ना॑सि॒को-त॒रवे॑दि-रु॒दर॑ꣳ स॒दो य॒दा ख॒लु वै
 जि॒ह्वाया॑ द॒थ्स्व॒धि खा॑द॒त्यथ॒ मुखं॑ गच्छति॒ यदा॑ मुखं॒ गच्छ॑त्यथो॒दरं
 गच्छ॑ति तस्मा॒द्द्वि॒र्द्धाने॑ च॒र्मन्ना॑धि ग्रा॒वभि॑-र॒भिषु॑त्याऽऽह॒वनी॒ये हु॒त्वा
 प्र॒त्यञ्चः॑ प॒रेत्य॑ स॒दसि॑ भक्षयन्ति॒ यो वै वि॒राजो॑ य॒ज्ञमु॒खे दो॒हं वैद॑
 दु॒ह ए॒वै () ना॑मि॒यं वै वि॒राट् तस्यै॑ त्वक् च॒र्मो॒धो ऽधि॑षवणे
 स्त॒ना उप॒रवा॑ ग्रा॒वा॒णो व॒थ्सा ऋ॒त्विजो॑ दुहन्ति॒ सोमः॑ प॒यो
 य ए॒वं वैद॑ दु॒ह ए॒वैनां॑ ॥ 59

TS 6.2.11.4 - Padam

प्रा॒णा इति॑ प्र – अ॒नाः । उप॒रवा॑ इत्यु॒प – र॒वाः । ह॒नू॒ इति॑ ।
 अधि॑षवणे इत्य॒धि – स॒वने॑ । जि॒ह्वा । च॒र्म । ग्रा॒वा॒णः । द॒न्ताः॑ ।

मुखम् । आ॒ह॒व॒नी॒य इ॒त्या – ह॒व॒नी॒यः । ना॒सि॒का ।
 उ॒त्तर॒वे॒दि॒रि॒त्यु॒त्तर – वे॒दिः । उ॒दर॒म् । स॒दः । य॒दा । ख॒लु । वै ।
 जि॒ह्वा॒ । द॒त्स्वि॒ति दत् – सु । अधी॑ति । खा॒द॒ति । अथ॑ । मुखम् ।
 ग॒च्छ॒ति । य॒दा । मुखम् । ग॒च्छ॒ति । अथ॑ । उ॒दर॒म् । ग॒च्छ॒ति ।
 तस्मा॑त् । ह॒वि॒र्द्धान॑ इति॑ ह॒विः – धाने॑ । च॒र्मन् । अधी॑ति ।
 ग्रा॒व॒भि॒रि॒ति ग्रा॒व – भिः । अ॒भि॒षु॒त्ये॒त्यभि – सु॒त्य ।
 आ॒ह॒व॒नी॒य इ॒त्या – ह॒व॒नी॒ये । हु॒त्वा । प्र॒त्यञ्चः ।
 प॒रे॒त्ये॒ति प॒रा – इ॒त्य । स॒द॒सि । भ॒क्ष॒य॒न्ति । यः । वै ।
 वि॒रा॒ज इति॑ वि – रा॒जः । य॒ज्ञ॒मु॒ख इति॑ य॒ज्ञ – मु॒खे । दो॒हम् ।
 वे॒द । दु॒हे । ए॒व () । ए॒ना॒म् । इ॒यम् । वै । वि॒रा॒डि॒ति वि – रा॒ट् ।
 तस्यै॑ । त्वक् । च॒र्म । ऊ॒धः । अ॒धि॒ष॒व॒णे इत्य॑धि–स॒व॒ने । स्त॒नाः ।
 उ॒प॒र॒वा इत्यु॑प – र॒वाः । ग्रा॒वा॒णः । व॒थ्साः । ऋ॒त्वि॒जः । दु॒ह॒न्ति ।
 सोमः॑ । प॒यः । यः । ए॒वम् । वे॒द । दु॒हे । ए॒व । ए॒ना॒म् ॥ 59 (73)

(व॒पा॒मि–य॒व॒म॒ती॒र॒व न॑यति–ह॒वि॒र्द्धाने॑–मे॒व–त्रयो॑वि॒ंश॒तिश्च) (A11)

पद पाठे (वाक्य सहित) – षष्ठकाण्डे – द्वितीयः प्रश्नः

Prasna Korvai with starting Padams of 1 to 11 Anuvaakams :-

(य॒दु॒भौ – दे॒वा॒सु॒रा मि॒थ – स्ते॒षाँ – सु॒वर्गं – यँ॒द्वा अ॒नी॒शानः –
पु॒रो॒ह॒वि॒षि – ते॒भ्यः – सो॒त्त॒र॒वे॒दि – ब॒द्धन् – दे॒व॒स्या॒भिं यँ॒वज्रः –
शि॒रो वा – ए॒का॒द॒श)

Korvai with starting Padams of 1, 11, 21 Series of Panchaatis :-

(य॒दु॒भा – वि॒त्या॒ह दे॒वानां॑ – यँ॒ज्ञो दे॒वे॒भ्यो – न र॒थाय॑ –
य॒ज॒मा॒नाय॑ – प॒र॒स्ता॒दर्वा॒ची – न्न॒व पञ्चा॒शत्)

First and Last Padam of Second Prasnam of 6th Kandam

(य॒दु॒भौ – दु॒ह ए॒वैनां॑)

॥ हरिः ओं ॥

॥ कृष्ण यजुर्वेदीय तैत्तिरीय संहितायां पद पाठे षष्ठकाण्डे

द्वितीयः प्रश्नः समाप्तः ॥

पद पाठे (वाक्य सहित) – षष्ठकाण्डे – द्वितीयः प्रश्नः

Details of Panchati and Padam for Kandam 6, Prasanam 2 (TS 6.2)

| | Panchati | Padams |
|-------------|----------|--------|
| Anuvakam 1 | 7 | 341 |
| Anuvakam 2 | 7 | 361 |
| Anuvakam 3 | 5 | 266 |
| Anuvakam 4 | 5 | 275 |
| Anuvakam 5 | 5 | 263 |
| Anuvakam 6 | 4 | 218 |
| Anuvakam 7 | 5 | 253 |
| Anuvakam 8 | 6 | 294 |
| Anuvakam 9 | 4 | 226 |
| Anuvakam 10 | 7 | 365 |
| Anuvakam 11 | 4 | 223 |
| Total → | 59 | 3085 |

Notes:

1. Please refer to the book “TS Kandam 1” and “TS 1.1 pada paadam with Vaakyam” for notes and conventions used in this Compilation.
2. Please download our vedic compilations from our web site www.vedavms.in